

Ilanngussaq D

Ilanngussaq 2, oqaasertaliussat kiisalu oqaasertaliussanut nassuiaatit

Ilanngussaq 2, AIS 2019-ip aappassaaneerpeqarneranut atatillugu oqaasertaliussanut aamma oqaasertaliussanut nassuiaatinut allannguutissatut siunnersuutit:

Naalackersuisut Siulittaasuat – Suliassaqarfik 10 - 12

Nr. 67.

Kotomut pingaarnermut 10.13.11 Aktiaateqarluni ingerlatseqatigiiffinnut toqqaannartumik aningaasartuutit

Aningaasanut inatsisissatut siunnersuummi konto pingaarnermut oqaasertalissani kalaallisoortaanii qaalunaatoortaanili annikitsumik assignngitsoqartoq paasineqarpoq. Oqaasertaliussat misissorneqarsimapput kalaallisoortaanii qallunaatoortaanilu oqaaseqatigiit assignnissaat siunertaralugu. Pisariillisaanissaq pissutigalugu siunnersuutigineqarpoq oqaasertalissat nutaat katersorneqassasut maannamut atuuttunut taarsiullugit. Taamaasiornermi oqaasertaliussat siunertaannut imarisaanulluunniit allanngortitsisoqassanngilaq aningaasanut inatsisissatut siunnersuutip imarisaanut naleqqiullugu.

AIS2019-imi kotomut pingaarnermut matumunnga oqaasertaliussat peerneqarniarput tulliuuttumillu taarserneqarniarlutik:

“Nr. 1.

Nalinginnaasumik immikkullu ittumik isertitat Kalaallit Airports A/S-imut aningaasaliissutitut atugassiisutigineqarnissaat

Iluanaarutit, pissarsiat, aktianik tunisinerit, ataasiartumik aningaasartuuteqarnerit, kontomi pingaarnermi 80.00.10 Sanaartugassanut Iluarsagassanullu Aningaasaateqarfimmi utertitat sanaartornermi sulianut atuinikippallaarsimanernit utertitsinerit imaluunniit ataasiartumik isertitat assingusut aqutugalugit isertitanik immikkut ittunik Namminersorlutik Oqartussat qanoq annertutigisunik tigusaqarneri apeqqutaalluni Kalaallit Airports A/S-imi akiliutissatut katillugit 2,1 mia. kr.-t tikillugit nalilinnik Nuummi, Ilulissani Qaqortumilu mittarfiliornissanut atuisinnaanissamik Naalackersuisut piginnaatinneqarput. Aningaasaatinik qaffaaneq pappiaqqat nalillit akianut 100-mut imaluunniit Naalackersuisut qaffasinnerusumik aalajangigaanut akiliisoqarsinnaavoq.

Naalackersuisut immikkoortuni matuma kingulianiittuni tunngavissat nassuiaatigineqartut iluini Kalaallit Airports A/S-imut aningaasaliissuteqarnissamut piginnaatinneqarput:

1. Namminersorlutik Oqartussat ukiuni 2017, 2018 aamma 2019-imi Tele Greenland A/S-imit immikkut ittumik iluanaarutininik pissarsitillugit, iluanaarutit taakku tunngavigalugit katillugit 250 mio. kr.-t tikillugit Kalaallit Airports A/S-imut aningaasaliissuteqarnissamut Naalackersuisut piginnaatinneqarput.

Ilanngussaq 2, oqaasertaliussat kiisalu oqaasertaliussanut nassuiaatit

2. Namminersorlutik Oqartussat 2017-imi Royal Greenland A/S-imit immikkut ittumik iluanaarutininik pissarsitillugit, iluanaarutit taakku tunngavigalugit katillugit 70 mio. kr.-t tikillugit Kalaallit Airports A/S-imut aningaasaliissuteqarnissamut Naalakkersuisut piginnaatinneqarput.

3. Namminersorlutik Oqartussat 2017-imi aktiaateqarluni ingerlatseqatigiiffinnit Namminersorlutik Oqartussanit tamakkiisumik ilaannakortumilluunniit pigineqartunit immikkut ittumik iluanaarutininik pissarsitillugit, iluanaarutit taakku tunngavigalugit katillugit 100 mio. kr.-t tikillugit Kalaallit Airports AS/-imut aningaasaliissuteqarnissamut Naalakkersuisut piginnaatinneqarput. Aappaattut aktiaatinik 100 mio. kr.-t tikillugit nalilinnik tunisinissamut tunisinermillu tamanna iluanaarutininik Kalaallit Airports A/S-imut aningaasaliinissamut Naalakkersuisut piginnaatinneqarput.

4. Nunatta Karsiata 2016, 2017, 2018 aamma 2019-imi naatsorsuutai Nunatta Karsianut sinneqartooruteqartillugit sinneqartoorutit taakku Kalaallit Airports A/S-imut aningaasaliissutiginissaannut Naalakkersuisut piginnaatinneqarput.

5. PFA Soraarnermi soraarnerussutisiassanut sillimmasiissutitut aktiaateqarluni ingerlatseqatigiiffimmi soraarnerussutisiassanut sillimmatitut maanna aaqquissuussinerit atorunnaarsinneqarnerannut atatillugu ataasiartumik annertuumik isertitaqartoqarnissaa naatsorsuutigineqarsinnaavoq. Namminersorlutik Oqartussat taama isertitanik pissarsiaqartillugit aningaasat taakku Kalaallit Airports A/S-imut aningaasaliissutiginissaannut Naalakkersuisut piginnaatinneqarput.

6. 2018, 2019, 2020, 2021 aamma 2022-mi sanaartugassanut atuinikinnerussutinit utertitsisoqartillugu taakkunanit ukiumoortumik 50 mio. kr.-t tikillugit Kalaallit Airports A/S-imut aningaasaliissuteqarnissamut Naalakkersuisut piginnaatinneqarput.

7. Nuummi, Ilulissani Qaqortumilu mittarfinnik, mittarfeqarfiit illutaannik taakkununngalu aqqusinernik sanaartornermut atatillugu sulisut avataaneersut akileraarutaannit tamakkiisunit iluanaarutaasinnaasut Kalaallit Airports A/S-imut aningaasaliissutiginineqarnissaannut Naalakkersuisut piginnaatinneqarput.

8. Namminersorlutik Oqartussat Nuummi Ilulissanilu mittarfiinut ataatsimut taakkununngaluunniit marlunnut illut, teknikkikkut atortut pigisallu nuunneqarsinnaasut taakkuluunniit ilaat ilanngullugit nalingisa amerlaqataannik taakkulu pigisat akiliutigalugit piginneqataassuteqalernissamut akiliinermit iluarsineqartunik Kalaallit Airports A/S-imi aktiasinissamut Naalakkersuisut piginnaatinneqarput. Pigisat akiliutigalugit piginneqataassutit qaffanneqarnerannit kingusinnerusukkut pigisat akiliutigalugit piginneqataassutit tiguneqavissinnaapput. Ilulissani Nuummilu mittarfiit piginneqataassutaalersut Nuummi Ilulissanilu nunat tamalaat akornanni mittarfiit atorneqarlernissaasa tungaanut Namminersorlutik Oqartussanut, Mittarfeqarfinnut, attartortinneqarnissaannik Naalakkersuisut Kalaallit Airports A/S pisussaaffilersinnaavaat.

Ilanngussaq 2, oqaasertaliussat kiisalu oqaasertaliussanut nassuiaatit

Piffissami attartorfiusumi isertitat Mittarfeqarfiit pisassavaat aningaasartuutillu mittarfiit maannakkut atuuttut ingerlanneqarnerannut atasut akilertassallugit.

Nr. 2.

Naqissusiinermut akitsuuteqartitsinnginneq

Uppernarsaatit, taarsigassarsinermut uppernarsaatit, takussutissat allatullu uppernarsaatit Kalaallit Airports A/S-ip aningaasalersorneranut, ingerlanneranut sanaartorneranullu atatillugu suliarineqartut pisortanut naqissusiinermi akitsuutininik eqqorneqassanngillat, tamatumani ilaatinneqarlutik Nuummi, Ilulissani Qaqortumilu mittarfiini atasuni taakkununngalu ilaareersunik illunik, teknikikkut sanaartukkanik kiisalu pigisanik nuunneqarsinnaasunik akileeqaataassutitut tunniussinerit.

Naqissusiinikkut akitsuuteqartitsinnginnermi ilaatinneqarput Nuummi Ilulissanilu mittarfinnik taakkununngalu ilaareersunik illunik, teknikikkut sanaartukkanik kiisalu pigisanik nuunneqarsinnaasunik akileeqaataassutitut Kalaallit Airports A/S-imut tunniussinerit imaluunniit pigisanik nalilinnik taamaattunik Kalaallit Airports A/S-imut tunisinerit.

Nr. 3.

Nuna tamakkerlugu pilersaarusiorneq

Nuna tamakkerlugu pilersaarusiornissamut peqqussutikkut, mittarfinnik nutaanik sanaartornissamut taakkununngalu ilaasunut atortulersuutininut, illunut, teknikikkullu sanaartukkanut aalajangersakkat peqqissaarnerusut Naalakkersuisut aalajangiussinnaavaat aamma Naalakkersuisut aalajangersinnaavaat, nuna tamakkerlugu pilersaarusiornissamut peqqussut, Ilulissani, Nuummi imaluunniit Qaqortumi mittarfiliarluni sanaartornissani, taakkununngalu ilaasunut atortulersuutininut, illunut, teknikikkullu sanaartukkanut nunaminertamat atuinermut aalajangersakkat peqqissaarnerusut, kommunimi pilersaarutitut inatsisitigut kinguneqassasut.

Nr. 4.

Avataanit aningaasalersorneqarneq

Naalakkersuisut piginnaatinneqarput Inatsisartut Aningaasaqarnermut Akileraartarnermullu Ataatsimiititaliaata akuersineratigut 2,0 mia kr-t tikillugit Kalaallit Airports A/S-ip avataani taarsigassarsisitsisinut taarsigassarsiaanut qularnaveeqquisiinnaanermut, imaluunniit Nunatta Karsianit 2,0 mia kr-t tikillugit taarsigassarsillutik taakku Kalaallit Airports A/S-imut taarsigassarsiariteqqinnissaannut.

Nr. 5.

Nunani tamalaani atugassarititaasut malillugit suliariumannittussarsiorneq

Ilulissani, Nuummi Qaqortumilu mittarfiit nutaat tamarmiusut taakkuluunniit ilaasa sanaartornissaat pillugu neqeroorutininik Kalaallit Airports A/S-ip pissarsiniarnerani suliakkiuteqarneraniluunniit sanaartornissamik isumaqatigiissutininut neqeroorutininik aammalu sanaartornissamik

Ilanngussaq 2, oqaasertaliussat kiisalu oqaasertaliussanut nassuiaatit

isumaqatigiissutit pillugit suliakkiuteqarnissat nunani tamalaani periusissat pitsaasut naapertorlugit nunani tamalaani neqeroorutigineqarnissaasa aammalu nunani tamalaani neqeroorutigeriikkat malillugit neqeroorutigineqarnissaasa akuerinissaannut Naalakkersuisut piginnaatinneqarput.

Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersaq Naalakkersuisut immikkoortoq 1-imik akuersereerneranni sanaartornermut isumaqatigiissutinut atortinneqassanngilaq.

Sanasut, ruujorilerisut, innaallagisserisut sanaartortitsisunilu suliffeqartut akunnermusiallit pillugit Sulisitsisut aammalu Sulinermik Inuussutissarsiuqartut Kattuffiata akornanni isumaqatigiissummi 1. april 2016-imit 31. marts 2019-imut atuuttumi atugassarititaasut minnerpaamik assingi malillugit sulinerup ingerlanneqarnissaa Kalaallit Airports A/S-imut neqerooruteqartut aammalu Ilulissani, Nuummi Qaqortumilu mittarfiliornermik sanaartornermik ingerlataqartut qulakkiissavaat.

Nr. 6.

Imaatigut assartuineq

Ilulissani, Nuummi Qaqortumilu mittarfinnik taakkunungalu ilaareersunik illunik, teknikikkut sanaartukkanik kiisalu pigisanik nuunneqarsinnaasunik sanaartornermi imaatigut assartuineq Kalaallit Nunaannut, Kalaallit Nunaannit Kalaallit Nunaannilu imaatigut usineq assartuineq pillugu Inatsisartut peqqussutaanni ilaatinneqanngilaq.

Konto pingaarnermut 10.13.11 Aktiaateqarluni ingerlatseqatigiiffinnut toqqaannartumik aningaasartuutit, oqaasertaliussamut nassuiaatit

AIS2019-imi kontomut pingaarnermut matumunnga oqaasertaliussat peerneqarniarput tulliuuttumillu taarserneqarniarlutik:

“Nr. 1.

Oqaasertaliussaq aqutigalugu Naalakkersuisut Kalaallit Airports A/S-imi aningaasaliinissaat periarfissinneqarpoq. Aningaasaatinik qaffaanikkut aningaasaliisoqassaaq. Ilulissani, Nuummi Qaqortumilu mittarfinnik sanaartornermi aningaasat tamarmiusut 3,4 mia. kr.-ussasut naatsorsuutigineqarpoq (2017-imi akit), taakku ilaatigut Kalaallit Airports A/S-imut aningaasaliinikkut ilaatigullu ingerlatseqatigiiffiup piffissami sivisuumi akilersorneqartussanik taarsigassarsineratigut aningaasalersorneqassallutik. Tamanna tungavigalugu Kalaallit Airports A/S-ip nammineq aningaasaatimigut pisariaqartitassai tamarmiusut 2,1 mia. kr.-ussasut naatsorsuutigineqarpoq. Taakkunanit 294 mio. kr.-t maannangaaq aningaasaliissutigineqareerput. Kalaallit Airports A/S-imut siunissami aningaasaliinissat Namminersorlutik Oqartussani immikkut ittumik nalinginnaasumillu isertitat arlallit atornerisigut pisinnaapput. Aningaasaliinissamut piginnaatitsissutit tamarmiusut nammineq aningaasaatigisassatut pisariaqartitat tamarmiusut qaangerpaat. Taamaalillunilu aningaasaliissutissat ataasiakkaat ilaasa naatsorsuutigisamit ikinnerunerisigut aningaasanik atugassaqalersinnaassaaq.

Ilanngussaq 2, oqaasertaliussat kiisalu oqaasertaliussanut nassuiaatit

Namminersorlutik Oqartussat missingersuusiornermut inatsit naapertorlugu nalinginnaasumik immikkullu ittumik isertitanik arlalinnik pissarsiaqartillugu kiisalu sanaartornermik suliniutini sulisut akileraarutaannit tamakkiisunit isertitanit Kalaallit Airports A/S aningaasalersorneqartussatut naatsorsuutigineqarpoq.

Immikkut ittumik iluanaarutinit, pissarsiassanit assigisaannillu isertitat aningaasanut inatsimmi isertitatut aningaasaliissutinit amerlanerusut.

Aktiaateqarluni ingerlatseqatigiiffinnit immikkut ittunik iluanaarutinit aningaasaliinissamut atatillugu ingerlatseqatigiiffinnit iluanaarutinit ingerlatseqatigiiffinnut inatsimmi maleruaqqusat atuuttut malillugit tunniunneqassapput. Oqaasertaliussami annertussutsip taaneqartup annertoqataanik iluanaaruteqartoqanngippat aktiaatinit katillugit 100 mio. kr.-nik nalilinnik tunisinissamut Naalakkersuisut piginnaatinneqarput.

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni nr. 26, 28. november 2016-imeersumi Namminersorlutik Oqartussat naatsorsuutaanni sinneqartoorutininik atuineq pillugu maleruaqqusat erseqqinnerusut aalajangersarneqarput. Sinneqartoorutit ukiup aningaasanut inatsiseqarfiusup kingornagut ukiup tulliuuttup qaangiutinnginnerani atorineqanngitsut § 18, imm. 3 naapertorlugu Siunissamut ungasinnerusumut aningaasaliinissanut Aningaasaateqarfimmut nuunneqassapput. Siunissami ungasinnerusumi isumannaatsuunissaq, sapinngisamik annertunerpaamik iluanaaruteqarnissaq aammalu inuiaqatigiit aningaasaqarnerannut sapinngisamik pitsaanerpaamik sunnuteqartitsinissaq siunertaralugu aningaasaateqarfimmi aningaasat aningaasalersuutitut atorineqassapput. Kalaallit Airports A/S-imut aningaasaliinikkut siunissami ungasinnerusumi aningaasaqarnikkut isiginiagassat tamakku eqquutsinneqassapput. Mittarfeqarfinnik annertusaaneq attaveqatigiinnermut, inuiaqatigiit aningaasaqarnikkut iluanaarutaannut ataavartumik iluaqutaasussatut aammalu aningaasaqarnikkut ineriartornermut iluaqutaasumik angalanermi bilitsinut aningaasartuutininut appariaataasussatut naatsorsuutigineqarpoq.

Nunatta Karsiata 2016-imi naatsorsuutai malillugit 2018-imi aningaasaateqarfimmut 211 mio. kr.-t nuunneqarnissaat naatsorsuutigineqarpoq, taamaaqataanillu 2019-imi 80 mio. kr.-t nuunneqarnissaat naatsorsuutigineqarluni.

Soraarnerussutisiassanut aaqqissuussinerit atorunnaarsinneqarnerinut atatillugu ataasiaannartumik isertitat eqqarsaatigalugit ataasiaannartumik akileraarutaasussat annertussusissaat maannangaq annertuumik nalornissutigineqarpoq. Soraarnerussutisiassanut aaqqissuussinerit atorunnaarsinneqarlutik Danmarkimi soraarnerussutisiassanut aaqqissuussinernut nuunneqarnissaat apeqqaalluni 200 mio. kr. – 400 mio. kr.-nik ataasiartumik akileraartoqarsinnaavoq. Namminersorlutik Oqartussat immikkut ittumik isertitaqartillugit aningaasat taamaattut Kalaallit

Ilanngussaq 2, oqaasertaliussat kiisalu oqaasertaliussanut nassuiaatit

Airports A/S-imut aningaasaliissutit atornissaanut Naalackersuisut oqaasertaliussakkut piginnaatinneqarput.

Sanaartornermi suliniutinit atuinikinnerussutinit utertinneqarumaartussatut isigineqartunit ukiumoortumik 50 mio. kr.-nik Kalaallit Airports A/S-imut aningaasaliissuteqarnissamut Naalackersuisut piginnaatinneqarput. Taama piginnaatitsinermi tunngavigineqartoq tassaavoq mittarfinnik aningaasalersuinissamut tunngavissanut iluaqutaasinnaasunik sanaartornermut kontoni ukiuni tamangajanni atuinikinnerusoqartarnera.

Oqaasertaliussami tamassuma saniatigut Ilulissani Nuummilu mittarfik ataaseq taakkuluunniit marluk illut, teknikkikkut atortut pigisallu nuunneqarsinnaasut taakkualuunnii ilaat atorlugit suliffeqarfimmuut pigisanik akiliuteqarluni aningaasaliinissamut Naalackersuisut periarfissinneqarput. Kalaallit Airports A/S-ip Nuummi Ilulissanilu maannakkut mittarfiit pioreersut tigusussaassavai, tassa nunat tamalaat akornanni mittarfinnik nutaanik sanaartornermut ilanngunneqartussaammata. Namminersorlutik Oqartussat sinnerlugit, Mittarfeqarfiit, Nuummi Ilulissanilu nunat tamalaat akornanni mittarfiit atorneqalersinnaanerisa tungaanut Nuummi Ilulissanilu mittarfiit maannakkut atuuttut ingerlatissavaat. Mittarfinnik maannakkut piusunik pigisat nalillit atorlugit mittarfiit Namminersorlutik Oqartussanut attartortinneqarnissaannik Kalaallit Airports A/S pisussaaffilerneqarsinnaavoq. Piffissami attartorfiusumi isertitat Mittarfeqarfiit pisassavaat aningaasartuutillu mittarfiit maannakkut atuuttut ingerlanneqarnerannut atasut akilertassallugit.

Pigisanik nalilinnik aningaasaliissuteqarneq tigusinissap illikartinneranik piunasaqaateqarnermik ilaneqarsinnaavoq. Tamanna soorlu sillimmasiisussaannermut, Kalaallit Airports A/S-ip Namminersorlutillu Oqartussat aningaasaqarnikkut attaveqaataasa akileraartarnikkut passunneqarnerannik apeqqutinut tunngatillugu naapertuuffeqarsinnaavoq.

Mittarfinnut amigartoorutilinnut tapiiffiqatigiittarnerup aningaasalersorneqarnissaa siunertaralugu nunanit tamalaanit Nuummut Ilulissanullu ingerlaarfiit siunissami immikkut akitsuusersorneqarnissaat siunertarineqarpoq.

Mittarfinnik Kalaallit Airports A/S-imut tunniussisoqassagaluarpat tassunga atatillugu imaluunniit sioqqullugu, mittarfinnik qulimiguullilu mittarfiinik amigartoorfiusumik ingerlatsiffiusunik Mittarfeqarfiit tapiiffiqatigalugit aningaasalersorneqartunik, aningaasaliinissamut siunnersuummik suliaqartoqassaaq. Mittarfeqarfiit akigititaasa aaqqissugaaneramik nutarterinissamut siunnersuusiornermut atatillugu suliarineqassasoq naatsorsuutigineqarpoq, siunnersuullu mittarfeqarfissat atuutsikkiartorneqarnerinut naapertuutissaaq mittarfiit ilusissaasa eqqukkiartuaarneranut.

Ilanngussaq 2, oqaasertaliussat kiisalu oqaasertaliussanut nassuiaatit

Mittarfinnut aningaasaliissutit immikkut ittumik akileraarutitigut isertitaqarfiussasut naatsorsuutigineqarpoq. Sanaartornerup ilarujussua avataaneersunit suliarineqarnissaa naatsorsuutigineqarsinnaavoq, taakku pisortanit annikitsuinnarmik sullinneqassapput annikitsuinnarmillu isertitanik nuussisoqartassalluni. Sanaartornermi ingerlatanit akileraarutit isertitat taamaattut ukiuni 2018-imit 2023-mut Kalaallit Airports A/S-imut aningaasaliissutiginissaannut Naalackersuisut piginnaatinneqarput. Aningaasarsianit akileraarutit pillugit Inatsisartut inatsisaanni § 68, imm. 2, nr. 7 kiisalu § 72, a, imm. 1 Ilulissani, Nuummi Qaqortumilu mittarfiliornermut atorineqarsinnaanissaat pillugu siunnersuummik 2017-imi ukiakkut ataatsimiinnermi Naalackersuisut saqqummiussiniarput. Taakku atorineqarnerisigut sulisut sanaartornermik suliniutini sulisorineqartut akileraarutitigut tamakkiisumik akiliinissamik aaqqissuussinermik malinnittussaataalissapput (tamatumani naatsorsuutigalugu sulisorineqartup qaammata kingullit arfinillit ingerlanerini nunatsinni akileraartussaataitaasimanginnissaa). Taamaalillunilu tamakkiisumik akileraaruteqarnissaq pillugu maleruaqqusat aatsitassanik atorluanerme aammalu illoqarfiit nunaqarfiillu avataanni sanaartornermik ingerlataqartunut atorineqartut assingi atuutilissapput.

Oqaasertaliussat AI 2018-imit ingerlateqqitaapput.

Nr. 2.

Kalaallit Airports A/S Namminersorlutik Oqartussanit pigineqarluni Namminersorlutik Oqartussanit ilaannakortumik aningaasalorsorneqassaaq. Naqissusiinermut akitsuummik akileeqqusinikkut ingerlatseqatigiiffiup aningaasaataasa tigorianaat tatineqaqqinnissaat naapertuutissanngilaq. 1,6 mia. kr.-nik taarsigassarsinerinnarmi naqissusiinermut aningaasartuutit 24 mio. kr.-ussapput.

Naqissusiinermut akitsuutinik akiliuteqartitsinnginneq Nuummi atlantikoq ikaarlugu umiarsuarnut talittarfiliornermi Sikuki Nuuk Harbour A/S-imut aamma atuutsinneqarpoq.

Kalaallit Airports A/S-ip aningaasalorsorneqarnissaa aammalu Nuummi, Ilulissani Qaqortumilu mittarfinnik sanaartornissamik 2018-imi suliariumannittussarsionnissaq eqqarsaatigalugit allannguutit ulloq 1. januar 2018-imit atuutsinneqalertariaqartut naliliisoqarpoq. Tamatuma peqatigisaanik oqaatigineqarsinnaavoq oqaasertaliussap inatsisitigut atuutsinneqalernissaa pillugu UPA2018-imi Inatsisartut inatsisissaattut siunnersuummik saqqummiussisoqassammat.

Oqaasertaliussat AI 2018-imit ingerlateqqitaapput.

Nr. 3.

Mittarfiliortiternerit paatsuunganartoqarnernik imaluunniit pilersarusiornermi tunngavigineqartut pillugit isumaqatigiinnginnerit pissutigalugit kinguarsarneqanginnissaat qulakkeerniarlugu nuna tamakkerlugu pilersarusiorneq pillugu oqaasertaliussaq ilanngunneqarpoq. Pilersarusiorneq

Ilanngussaq 2, oqaasertaliussat kiisalu oqaasertaliussanut nassuiaatit

aamma nunaminertat atorpeqartarnerat pillugu Inatsisartut inatsisaanni § 9, imm. 1-2 naapertorlugit nuna tamakkerlugu pilersaarusiornissamut peqqussut kommunimi pilersaarusiornermut inatsisitigut kinguneqarsinnaanissaa imaassinnaavoq Naalakkersuisut aalajangereersinnaagaat. Nuummi, Ilulissani Qaqortumilu mittarfinnik illutaannillu aalaakkaasunik, teknikkkut atortunik atortunillu nuunneqarsinnaasunik sanaartornermi pilersaarutitigut tunngavigineqartup qulakkeerneqarnissaanut Naalakkersuisut piginnaatitaanerat qularutigileqqunagu oqaasertaliussaq ilanngunneqarpoq.

Nuummi Ilulissanilu nunat tamat akornanni mittarfinnik sanaartorpeq inatsisit atuuttut naapertorlugit ingerlanneqassaaq, tassunga ilanngullugu Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-meersoq.

Nuummi Ilulissanilu mittarfinnik sanaartornermi avatangiisinut sunniutaasinnaasunut nalilersuineramik (VVM-imik) suliaqartoqassaaq. Kalaallit Airports VVM-imik suliaqartuussaaq. Naalakkersuisut pilersitsinissamut atatillugu akuersissummik tunniussinerminni sanaartukkat avatangiisinut sunniutigisinnaasai pillugit pisariaqartunik paasissutissinneqarnissaat VVM-imik nassuiaasiornermi qulakkeerneqassaaq. Taamattaq VVM-imik nalunaarusiornermi, Naalakkersuisut atugassarititaasunik aalajangersaanerminni paasissutissanik pisariaqartunik sanaartukkat avatangiisinut pitsaanngitsumik sunniutaasa minnerpaaffimmiitinneqarnissaanut qulakkeerisuussapput. VVM-imik suliaqarnerni innuttaasut akuliutsinneqartarnerannut atatillugu aalajangersimasunik periuseqartoqartarpoq.

Naalakkersuisut VVM-imik nalunaarusiamik tusarniaanermilu akissutunik tiguneqartunik suliarinninneranni, ilaatigut sanaartornermik suliassat piareersarneranni atugassarititaasut isummerfigineqassapput. Nuummi Ilulissanilu mittarfiit sanaartornerup ingerlanneqarnerata nalaa tamakkerlugu atuinnaasapput, taamaammallu sanaartornerup ilarujussuata piffissat mittarfiit atorpeqarfiisa avataannut inissinneqartarnissaa pisariaqassasoq ilimagineqarpoq.

Kalaallit Airports A/S-ip aningaasalersorneqarnissaa aammalu Nuummi, Ilulissani Qaqortumilu mittarfinnik assigisaannillu sanaartugassat suliariumannittussarsiorneqarnissaat eqqarsaatigalugu allannguutit ulloq 1. januar 2018-imit atuutilertariaqartut naliliisoqarpoq. Tamatuma peqatigisaanik oqaatigineqarsinnaavoq oqaasertaliussap inatsisitigut atuutsinneqalernissaa siunertaralugu UPA2018-imi Inatsisartut inatsisissaattut siunnersuummik saqqummiussisoqassammat.

Oqaasertaliussat AI 2018-imit ingerlateqqitaapput.

Nr. 4.

Oqaasertaliussat naapertorlugit Naalakkersuisut piginnaatinneqarput Inatsisartut Aningaasaqarnermut Akileraartarnermullu Ataatsimiititaliaata akuersineratigut 2,0 mia kr.-t angullugit Kalaallit Airports A/S-ip avataani taarsigassarsisitsisinut taarsigassarsiaanut

Ilanngussaq 2, oqaasertaliussat kiisalu oqaasertaliussanut nassuiaatit

qularnaveeqqusiisinaanermut, imaluunniit Nunatta Karsianit 2,0 mia kr.-nik taarsigassarsillutik taakku Kalaallit Airports A/S-imut taarsigassarsiariteqqinnissaannut.

Tamanna Kalaallit Airports A/S-ip sanaartornerup nalaani aningaasalersorallarnerani, sivisuumik aningaasalersornerani kiisalu Namminersorlutik Oqartussat aningaasaliissutaasa aningaasalersorneqarallarneri siunertaralugu.

Oqaasertaliussami uani kisitsisit qummut akunnaallisagaapput, taamaalillunilu oqaasertaliussat akit suliniutillu nalinginnaasumik allanngorarnerannut piareersimareerlutik.

Taarsigassarsineq mittarfinnik suliniutit piviusunngortinneqarsinnaanerinit pisariaqarpoq.

Qularnaveeqqusiisoqannginnerani missingersuusiortarnermut malittarisassat 17. juni 2008-meersut naapertorlugit immikkut ilisimasallit arlaannaanulluunniit attuumassuteqanngitsut aningaasaqarnikkut inatsisitigullu uppersaataannik piniartoqaqqaassaaq.

Oqaasertaliussat AI 2018-imit ingerlateqqitaapput.

Nr. 5.

Oqaasertaliussami nr. 5-imi aalajangersagaq Suliniutini angisuuni illuliortiternernik sanaartornermillu suliassat pillugit Inatsisartut inatsisaanni nr. 25, 18. december 2012-imeersumi (Suliniutinut angisuunut inatsimmi) § 7, imm. 4-mi periutsimut atuutereersumut naapertuuppoq.

Nunatsinni suliffeqarnermi sanaartornermik suliaqartut sapinngisamik amerlanerpaat mittarfinnik nutaanik sanaartornermi sulissussarsiarineqarnissaat anguniarneqarpoq. Mittarfiliortiternernik suliniummi sanaartornermi suliassat ima annertutigaat nunatsinni sulissussarsiarineqarsinnaasut saniatigut sanaartornermik suliallit amerlanerit pisariaqartinneqassallutik. Kommuneqarfik Sermersuumi sanaartornermi suliassat annertuut pilersaarutigineqareersut aallartinneqareersulluunniit arlaqarmata mittarfiliortiternerni sulisussaaleqeratartoqarsinnaavoq aammali sulisussaaleqinerup sanaartornermik suliamut aningaasartuutit tamarmiusut annertunerulersissallugit. Sanaartornermik ingerlatallit annertuallaamik suliassaqaqqunagit aammalu sanaartornermi akiusut tamarmiusut appassisumiitseqqullugit sanaartornermi isumaqatigiissuteqarnissamik neqeroorutit sanaartornermilu isumaqatigiissutit suliakkiutigineqarnissaannik neqeroorutit nunani tamalaani neqeroorutigineqarsinnaanissaat aammalu nunani tamalaani periutsit pitsaasuunissaat naapertorlugu neqeroorutaareersunik pissarsiniarnissat akuerineqarnissaannut Naalakkersuisut oqaasertaliussakkut piginnaatinneqarput. Nunani tamalaani periusissat pitsaasut naapertorlugit suliariumannittussarsiornermi piumasaatit assersuutigalugu suliariumannittussarsiornermi FIDIC-p nunani tamalaani periusiusut atorineqarnissaannut periarfissiissapput. Aammattaaq nunani tamalaani suliariumannittussarsiornermi sulisussat nunanit allaneersut atorineqarnissaannut

Ilanngussaq 2, oqaasertaliussat kiisalu oqaasertaliussanut nassuiaatit

periarfissiisoqassaaq. Taamaaliornikkut neqerooruteqartut Ilulissani, Nuummi Qaqortumilu Kalaallit Airports A/S sinnerlugu mittarfiliornermik suliaqartussat sanasut, ruujorilerisut, innaallagialerisut sanaartortitsisunilu suliffeqartut akunnermusiallit pillugit Sulisitsisut aammalu Sulinermik Inuussutissarsiuuteqartut Kattuffiata akornanni isumaqatigiisummi 1. april 2016-imit 31. marts 2019-imut atuuttumi atugassarititaasut malillugit sulinerup minnerpaamik ingerlanneqarnissaa qulakkiissavaat.

Nunat tamat akornanni suliariumannittussarsiuussisoqartillugu Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq atortinneqartassanngilaq. Tamatumalu ilaatigut AP 95 naapertorlugu suliariumannittussarsiuussisoqartarnissaanik piumasaqaateqannginneq nassataraa.

Kalaallit Airports A/S-ip aningaasalersorneqarnissaa aammalu Nuummi, Ilulissani Qaqortumilu mittarfinnik sanaartornissamik 2018-imi suliariumannittussarsiorinissaq eqqarsaatigalugit allannguutit ulloq 1. januar 2018-imit atuutsinneqalertariaqartut naliliisoqarpoq. Tamatuma peqatigisaanik oqaatigineqarsinnaavoq oqaasertaliussap inatsisitigut atuutsinneqalernissaa pillugu UPA2018-imi Inatsisartut inatsisissaattut siunnersuummik saqqummiussisoqassammat.

Oqaasertaliussat AI 2018-imit ingerlateqqitaapput.

Nr. 6.

Usinik imaatigut assartuineq pillugu oqaasertaliussat nr. 6-imut siunnersuut suliniutinut angisuunut periutsinut atuutereersunut naapertuuppoq. Suliniutini angisuuni illuliortiternernik sanaartornermillu suliassat pillugit Inatsisartut inatsisaanni (Suliniutinut angisuunut inatsimmi § 13 ima oqaasertaqarpoq: "Kalaallit Nunaannit, Kalaallit Nunaannut aamma Kalaallit Nunaanni nassiussanik imaatigut assartuineq pillugu inatsit, ingerlatanut Inatsisartut inatsisaat manna naapertorlugu akuersisummi pineqartunut ilaasunut attuumassutilimmik imaatigut assartuussinermut atuutinngilaq."

Kalaallit Airports A/S-ip aningaasalersorneqarnissaa aammalu Nuummi, Ilulissani Qaqortumilu mittarfinnik sanaartornissamik 2018-imi suliariumannittussarsiorinissaq eqqarsaatigalugit allannguutit ulloq 1. januar 2018-imit atuutsinneqalertariaqartut naliliisoqarpoq. Tamatuma peqatigisaanik oqaatigineqarsinnaavoq oqaasertaliussap inatsisitigut atuutsinneqalernissaa pillugu UPA2018-imi Inatsisartut inatsisissaattut siunnersuummik saqqummiussisoqassammat.

Oqaasertaliussat AI 2018-imit ingerlateqqitaapput."

Aningaasaqarnermut Naalakkersuisoq - Suliassaqarfik 20 – 24

Nr. 68.

Kontumut pingaarnermut 20.01.10 ASIAQ (Misissueqqissaarnerit/Grønlands forundersøgelser)-mut

Suliassaqarfiit allanngorneqarneri pissutigalugit oqaasertaliussat tulliuuttut kontomut pingaarnermut nuunneqassasut qinnutigineqarpoq:

Nr. 1.

Naalakkersuisut ukiuni arlalinni atuuttussanik ASIAQ-mut anguniagassanut isumaqatigiissuteqartarnissaminut piginnaatinneqarput. Isumaqatigiissutaasuni aningaasaliissutaasut tamarmiusut sipporneqassanngillat, ukiullu missingersuusiorfiusut sunnerneqaqqusaanatik.

Nr. 2.

Ingerlatsinermut aningaasaliissutitut naleqqiullugu naatsorsuutitigut nikingassutaasut Asiaq-mi inissinneqassapput. Inissinneqarlutik amerliartortitat ukiumi tulliuuttumi Asiap ingerlanneqarneranut ilanngunneqartassapput, aammalu ingerlatsinermut, aningaasaleeqqinnernut nutaanillu sanaartornernut atorneqarsinnaallutik. Aningaasaqarnermut Akileraartarnermullu Ataatsimiititaliaq oqaasertaliussat atorneqarnerat pillugit ilisimatinneqartassaaq.

Nr. 3.

Illuutunik Asiamit atuinissamut pisinnaatitaaffigineqartunik tunisisinnaanermi Asiamut aningaasaliinissamik siunertamut ilanngaaseereerluni tunisinermi iluanaarutit pillugit Naalakkersuisut aalajangiinissamik piginnaatinneqarput.”

Konto pingaarnermut 20.01.10 ASIAQ (Misissueqqissaarnerit/Grønlands forundersøgelser)-mut nassuiaatit

Oqaasertaliussanut nassuiaatit tulliuuttut ilanngunniarneqarput:

Nr. 1.

Oqaasertaliussatigut siunertaavoq, Kalaallit Nunaanni nunami pissutsitigut avatangiisit pillugit katersuisarneq, paasissutissanik uninngasuuteqartarneq ingerlatitseqqittarnerlu pillugit suliffeqarfiup pingaarnertut piginnaasaqarfii naapertorlugit ASIAQ-p anguniagassanik erseqqinnerusumik isumaqatigiissutigineqartunik naammassinnittarnissaanut annertunerusunik piumasaaqateqartoqartalersinnaanissaa.

Oqaasertaliussat AI 2018-imit ingerlateqqitaapput.

Ilanngussaq 2, oqaasertaliussat kiisalu oqaasertaliussanut nassuiaatit

Nr. 2.

Oqaasertaliussatigut Asiap angusassanik isumaqatigiissutini Namminersorlutik Oqartussanut isumaqatigiissutigineqartuni anguniagassanik naammassinnissinnaajumalluni ataatsimut isigalugu aningaasaliinissamut suliarineqartartunillu naleqqussaannissamut annertunerusumik kiffaanngissuseqartinneqarnissaa siunertarineqarpoq.

Oqaasertaliussat AI 2018-imit ingerlateqqitaapput.

Nr. 3.

Asiaq inissianut tunngatillugu ineriartortoqarsimanera kiisalu kingoraartissat sakkullu nungullarsimaneri pissutigalugit atuinerup allanngortinneqarneranut tunngatillugu eqaannerusumik ingerlanissamik pisariaqartitsivoq (allanngortiterinissamut) immaqalu illuutit Asiap atorsinnaasai tunillugit. Eqaannerusumik atuinikkut sulinermik pilersaarusiorneq naapertuunnerulersinneqarsinnaassaaq, ilaatigut allanngortiterinissamik pisariillisaanissamillu pilersaarutitut ilanngaaseereerluni tunisinermi iluanaarutitik atugassanngortitsisinnaanikkut.

Illuutitik tunisinerit Naalakkersuisunit akuerineqassapput. Asiarli illuummut ingerlatsinermit akisussaasuusutut aserfallatsaaliisussaataitaasutullu tunisinermi ilanngaaseereerluni iluanaaruteqarnissaa oqaasertaliussatigut qularnaarneqassaaq.

Oqaasertaliussat AI 2018-imit ingerlateqqitaapput.”

Nr. 69.

Kontomut pingaarnermut 24.11.14 Naqissusiinermut akitsuutit

Oqaasertaliussaq tulliuuttoq kontomut pingaarnermut matumunnga ilanngunniarneqarpoq:

”Naqissusiinermut akitsuuteqartitsinnginneq

Uppernarsaatit, taarsigassarsinermit uppernarsaatit, takussutissiat aamma udskifter og attester m.v., attestit il.il. Royal Arctic Line A/S-ip Nuummi talittarfimmi illuutaasa Namminersorlutik Oqartussanut agguanneqarnerinut, kingornalu illuutitik suliffeqarfimmut inuiaqatigiinnut iluaqutaasumut namminersortumut, tikeraat ornittagaannik takornariaqartitsivinnillu pilersitsisarneq ingerlatsisarnerlu pillugit Inatsisartut inatsisaat nr. 25, 28. november 2016-imeersoq tunngavigalugu Namminersorlutik Oqartussanit pilersinneqartumut akeqanngitsumik tunniussinermit atatillugu naammassineqartut pisortanut naqissusiinermut akitsuuteqartinneqassanngillat.”

Kontomut pingaarnermut 24.11.14 Naqissusiinermut akitsuutit nassuiaatit

Oqaasertaliussanut nassuiaatit tulliuuttut ilanngunniarneqarput:

”Namminersorlutik Oqartussat illuutit suliffeqarfimmut inuiaqatigiinnut iluaqutaasumut namminersortumut, tikeraat ornittagaannik Nuuk Natur- og Geopark-imik piginnittussamut

Ilangussaq 2, oqaasertaliussat kiisalu oqaasertaliussanut nassuiaatit

ingerlatsisussamullu ingerlateqqissavai. Royal Arctic Line A/S-ip illuutiniq agguaaassisup imaluunniit suliffeqarfiup inuiaqatigiinnut iluaqutaasussap namminersortup tiguisussap naqissusiinermut akitsuutiniq akileeqqusinikkut aningaasaqarneri nammakkissallugit tulluannigilaq. Tunniussinernut taakkununga atatillugu taamaattumik oqaasertaliussaq manna naqissusiinermut akitsuuteqartitsinngilaq.

Oqaasertaliussat nutaajupput.”

Isumaginninnermut Inatsisinillu Atuutsitsinnermut Naalakkersuisoq - Suliassaqarfik 30

Nr. 70.

Konto pingaarneq 30.01.01-imut, Isumaginninnermut Inatsisinillu Atuutsitsinnermut Naalakkersuisoqarfik

AIS2019-imi kontomut pingaarnermut matumunnga oqaasertaliussat peerniarneqarput tulliuuttumillu taarserniarneqarlutik:

“Naalakkersuisut, Inatsisartut Aningaasaqarnermut Akileraartarnermullu Ataatsimiititaliaata akuersissuteqareerneratigut, Inatsisartut peqqussutaat nr. 7, 3. november 1994-imeersoq, kingullermillu Inatsisartut peqqussutaatigut nr. 10, 31. maj 2010-meersutigut allanngortoq, naapertorlugu inuit annertuumik innarluutillit Danmarkimi najugaqartut inissinneqarneranni, najugaqarneranni angerlartinneqarnerannilu ingerlatsinikkut suliassat isumagineranni naalakkersuisoqarfimmi sulisut suliamik ilisimasallit kommuninut ikiortaasarnissaat pillugu isumaqatigiissusiorsinnaanerannik piginnaatinneqarput. Ingerlatsinnermut isumaqatigiissutip kinguneraa Naalakkersuisut ingerlatsinnermut suliassat tamakku isumaginissaannut aningaasartuutit akilertassamatigik.”

Kantomut pingaarnermut 30.01.01-imut, Isumaginninnermut Inatsisinillu Atuutsitsinnermut Naalakkersuisoqarfik

AIS2019-imi kontomut pingaarnermut matumunnga oqaasertaliussat peerneqarniarput tulliuuttumillu taarserneqarniarlutik:

“Inatsisartut peqqussutaat nr. 7, 3. november 1994-imeersoq, kingullermik Inatsisartut peqqussutaatigut nr. 10, 31. maj 2010-meersukkut allanngortinneqartoq, naapertorlugu inuit annertuumik innarluuteqartut inissinneqartarnerat, najugaqarnerat Danmarkimiillu angerlartinneqartarnerat pillugit Naalakkersuisut kommuninut ingerlatsinissaq pillugu isumaqatigiissuteqartarsinnaanerat oqaasertaliussatigut qulakkeerneqarpoq. Ingerlatsinnermut isumaqatigiissutip kinguneraa Naalakkersuisut ingerlatsinnermut suliassat tamakku isumaginissaannut aningaasartuutit akilertassamatigik.”

Oqaasertaliussat AI 2018-imit iluarsineqarlutik ingerlateqqitaapput.”

Ilanngussaq 2, oqaasertaliussat kiisalu oqaasertaliussanut nassuiaatit

Nr. 71.

Kotomut pingaarnermut 30.10.37 Nuna tamakkerlugu meeqqanut inuusuttunullu angerlarsimaffiit

Kotomut pingaarnermut matumunnga oqaasertaliussat tulliuuttut ilanngunniarneqarput:

”Nr. 4.

Naalakkersuisut piginnaatinneqarput angerlarsimaffiit ineqartuutaannik assartuisussatut tulluartunik umiatsianik pisinissamut akuersissuteqarsinnaanermut, pisinerit tamakku nalinginnaasumik ingerlatsinermut atasutut isigineqarpata.”

Kotomut pingaarnermut 30.10.37 Nuna tamakkerlugu meeqqanut inuusuttunullu angerlarsimaffiit nassuiaatit

Oqaasertaliussanut nassuiaatit tulliuuttut ilanngunniarneqarput:

”Nr. 4.

Piginnaatitsinerup periarfissaalersippaa, ulloq unnuarlu angerlarsimaffinni umiatsianik pisinermi suliap pisariillisarnera, tamanna ataastsimut kotomit immikkut ittumik tapiiffigineqaaqaarnani pisinnaanngorluni. Tarnikkut perorsaanikkullu suliaqarnermut ilaasutut atatillugu umiatsiat atorpeqartarput. Inuusuttut eqimattat ilaannit ineqartoq ataaseq arlallilluunniit qimagutilaarnissaat pisariaqakkajuttarpoq, ilaatigut ingalassimatitsiniarluni. Ilaatigullu ataasiakkaanik perorsaanikkut immikkut suliniuteqarfiginninniarluni. Ilanngullugu umiatsiaq meeqqat feeriarnernani atorpeqarsinnaavoq.

Oqaasertaliussat nutaajupput.”

Nr. 72.

Kotomut pingaarnermut 30.12.08 Utoqqalinermi pensionisiat

Oqaasertaliussat tulliuuttut kotomi pingaarnermi matumani ilanngunniarneqarput:

”Nr. 2.

Utoqqalinersiaqarneq pillugu Inatsisartut inatsisaat nr. 20, 23. november 2015-imeersoq naapertorlugu §§ 9 aamma 10-mi kingusinnerusukkut allannguinerlammik utoqqalinersiat annertussusaat ima aalajangersarneqassapput:

Utoqqalinersiutilinnut tunngaviumik pisassat ukiumut kr. 61.687

Utoqqalinersiutilinnut aappalinnut ilassutitut utoqqalinersiat ukiumut kr. 42.533

Utoqqalinersiutilinnut kisimiittunut ilassutitut utoqqalinersiutit ukiumut kr. 76.518”

Ilanngussaq 2, oqaasertaliussat kiisalu oqaasertaliussanut nassuiaatit

Kontomut pingaarnermut 30.12.08 Utoqqalinermi pensionisiat nassuiaatit

Oqaasertaliussanut nassuiaatit tulliuuttut ilanngunniarneqarput:

”Nr. 2.

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata nr. 9, 1. juni 2017-imeersup akuersissutigineqarneranik siunertaavoq, isumaginninnikkut aningaasanik tapiissutit tamarmik siunissami ukiumut procenti aaqqiissutissaq atorlugu assigiissaartumik aalajangersarneqartassasut. Taamaasilluni siunertaavoq, utoqqalinersiat 1. januar 2019 aallarnerfigalugu atuutilersumik ukiumut procenti aaqqiissutissaq atorlugu aalajangersarneqartassasut. 2018-imi qinersinissamik suaaruteqarneq pissutigalugu tamatumalu kingunerisaanik UPA2018-ip taamaatineqarneranik, procentip aaqqiissutissap eqqunneqarnerata kingunerisaanik akileraarutit aamma akitsuutit kiisalu isumaginninnikkut tapiissutit pillugit inatsisinik arlalinnik allanngortitsinissamut inatsisissatut siunnersuut atorunnaarpoq. Inatsisissatulli siunersuu 2020-mi saqqummiuteqqinneqassasoq naatsorsuutigineqarpoq. Oqaasertaliussat qulakkeerpaat, utoqqalinersiat 2019-imi atuutilersumik procentimik aaqqiissutissamik aalajangersarneqartassasut.

Oqaasertaliussat nutaajupput.”

Nr. 73.

Kontomut pingaarnermut 30.12.09 Siusinaartumik pensionisiat

Kontomut pingaarnermut matumunnga oqaasertaliussat tulliuuttut ilanngunniarneqarput:

”Nr. 2.

Siusinaartumik pensionisiat pillugit Inatsisartut inatsisaanni nr. 40, 9. december 2015-imeersumi § 17, imm. 2-mi aningaasat taaneqartut tulliuuttut aalajangersarneqarput:

Ukiumut siusinaartumik pensionisiat annertunerpaat 113.965 kr.”

Kontomut pingaarnermut 30.12.09 Siusinaartumik pensionisiat, nassuiaatit

Oqaasertaliussanut nassuiaatit tulliuuttut ilanngunniarneqarput:

”Nr. 2.

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata nr. 9, 1. juni 2017-imeersup akuersissutigineqarneranik siunertaavoq, isumaginninnikkut aningaasanik tapiissutit tamarmik siunissami ukiumut procenti aaqqiissutissaq atorlugu assigiissaartumik aalajangersarneqartassasut. Taamaasilluni siunertaavoq, utoqqalinersiat 1. januar 2019 aallarnerfigalugu atuutilersumik ukiumut procenti aaqqiissutissaq atorlugu aalajangersarneqartassasut. 2018-imi qinersinissamik suaaruteqarneq pissutigalugu tamatumalu kingunerisaanik UPA2018-ip taamaatineqarneranik, procentip aaqqiissutissap eqqunneqarnerata

Ilanngussaq 2, oqaasertaliussat kiisalu oqaasertaliussanut nassuiaatit

kingunerisaanik akileraarutit aamma akitsuutit kiisalu isumaginninnikkut tapiissutit pillugit inatsisinik arlalinnik allanngortitsinissamut inatsisissatut siunnersuut atorunnaarpoq. Inatsisissatulli siunersuu 2020-mi saqqummiuteqqinneqassasoq naatsorsuutigineqarpoq. Oqaasertaliussat qulakkeerpaat, utoqqalinersiat 2019-imi atuutilersumik procentimik aaqqiissutissamik aalajangersarneqartassasut.

Oqaasertaliussat nutaajupput.”

Nr. 74.

Kotomut pingaarnermut 30.13.41 Innarluutilinnut angerlarsimaffiit

Kotomut pingaarnermut matumunnga oqaasertaliussat tulliuuttut ilanngunniarneqarput:

”Nr. 4.

Naalakkersuisut piginnaatinneqarput angerlarsimaffiit ineqartuutaannik assartuisussatut tulluartunik umiatsianik pisinissamut akuersissuteqarsinnaanermut, pisinerit tamakku nalinginnaasumik ingerlatsinermut atasutut isigineqarpata.”

Kotomut pingaarnermut 30.13.41 Innarluutilinnut angerlarsimaffiit, nassuiaatit

Oqaasertaliussanut nassuiaatit tulliuuttut ilanngunniarneqarput:

”Nr. 4.

Piginnaatitsinerup periarfissaalersippaa, ulloq unnuarlu angerlarsimaffinni umiatsianik pisinermi suliap pisariillisarnera, tamanna ataastsimut kotomit immikkut ittumik tapiiffigineqaqqaarnani pisinnaanngorluni. Tarnikkut perorsaanikkullu suliaqarnermut ilaasutut atatillugu umiatsiat atorneqartarput. Inuusuttut eqimattat ilaannit ineqartoq ataaseq arlallilluunniit qimagutilaaarnissaat pisariaqakkajuttarpoq, ilaatigut ingalassimatitsiniarluni. Ilaatigullu ataasiakkaanik perorsaanikkut immikkut suliniuteqarfiginninniarluni. Ilanngullugu umiatsiaq meeqqat feeriarneranni atorneqarsinnaavoq.

Oqaasertaliussat nutaajupput.”

Ilinniartitaanermut, Kultureqarnermut, Ilageeqarnermut Nunanut Allanullu

Naalakkersuisoq – Suliassaqarfik 40

Nr. 75.

Konto pingaarneq 40.02.06 Ilinniarnermi tapiissutit meeqqanullu tapit

Siunnersuutigineqarpoq soorlu nujalerisut, umiarsualiveqarfimmi il. il. sulisut, IT-mut ikiortit teknikikkullu ilusilersuisartut tapiissutinut annertussutsinut allanut inissinneqassasut, kukkunermillu aaqqiisoqarluni, tassami igasut marloriarlutik taaneqarsimmamata.

Ilanngussaq 2, oqaasertaliussat kiisalu oqaasertaliussanut nassuiaatit

AIS2019-imi kontomut pingaarnermut matumunnga oqaasertaliussat peerneqarniarput tulliuuttumillu taarserneqarniarlutik:

”Ilinniagaqarnersiutit pillugit Inatsisartut inatsisaanni nr. 12, 22. november 2011-meersumi § 14, imm. 3 aamma Ilinniagaqarnersiutit pillugit Namminersorlutik Oqartussat nalunaarutaanni nr. 9, 19. juli 2017-imeersumi § 12 naapertorlugit ilinniarnermi qaammammut tapiissutissat imatut aalajangersagaapput:

- 2.225 kr. ilinniagaqarnissamik qinnuteqartunut suli 18-inik ukioqalersimangitsunut imaluunniit ilinniagaqalernissamik piareersarluni ilinniartitaanerni ilinniartut inaanni najugaqarlutik ilinniartunut. Ilinniartut 18-it inorlugit ukiullit ilinniartut ineqarfiini najugallit akeqanngitsumik nerisaqartinneqarput ineqartinneqarlutillu. Pissutsini, ilinniartut najugaqarfiini ilaannakortumik tamakkiisumilluunniit nerisaqarnissamut periarfissaqanngitsuni, ilinniartut ilinniartut najugaqarfiini najugallit qaammammut nerisassarsiutissanut 1.550 kr.-nik imaluunniit 950 kr.-nik taperneqartarput.
- Folkehøjskoleni atuartunut 2.000 kr.-t.
- Ilinniartunut tungaviusumik inuussutissarsiornermik ilinniagaqartunut sulisitsisorisaminniit akissarsiaqartitaanngitsunut imaluunniit ilinniartunut 18-it sinnerlugit ukiulinnut Piareersarfinni ilinniartunut qaammammut kr. 4.400 kr.-t. Ilinniartut ilinniarnerminnut atatillugu akeqanngitsumik nerisaqartitaallutillu najugaqartitaasut taakkununga ilanngaatsittassapput.
- Ilinniartunut Kalaallit Nunaanni ilinniaqqiffinnut ingerlaqqittunut kiisalu ilinniartunut 18-it sinnerlugit ukiulinnut ilinniarnissamut piareersartunut kr. 4.700, taamaattorli ilinniartut ilinniarnerminnut atatillugu akeqanngitsumik nerisaqarlutillu najugaqartut taakkununga ilanngaatsittassapput.

Ilinniakkanut Kalaallit Nunatta avataanni ingerlanneqartunut atatillugu annertussutsit makku atuupput:

- Qallunaat Nunaanni ilinniartunut 20-t ataallugit ukiulinnut ilinniagassaminnut atatillugu piareersaataasumik ilinniartunut imaluunniit inuussutissarsiutigilersinnaasaminnik ilinniagalinnut 4.800 kr.
- Ilinniartunut Kalaallit Nunaata Qallunaat Nunaatalu avataanni ilinniartunut 5.300 kr.

Ilinniagaqarnersiutit pillugit Inatsisartut inatsisaanni nr. 12, 22. november 2011-meersumi § 15, imm. 1 naapertorlugu sulisitsisunut lærlinginik atorfinitsitsisartunut tapiissutitut tunniunneqartut imatut aalajangersarneqarput:

Ilinniartunut ukioq siullem ilinniartuusunut qaammammut kr. 4.400.

Lærlingimut ataatsimut ukiunut ilinniarfiusunut tulliuuttunut qaammammut tapiissutaasartut imatut aalajangersarneqarput:

Ilanngussaq 2, oqaasertaliussat kiisalu oqaasertaliussanut nassuiaatit

Niuertarfimmi neqilerisoq kr. 492
Tusagassiuutini titartagartalersuisartog

Film-, TV- aamma videolerinermut suleqataasoq kr. 570

Inuussutissalerinermut ikiorti kr. 701
Cykelinut aamma motorcykelinut mekanikeri
Nussuisartog
Titartagartalersuisartog
Titartaganngortitsisarnermi naqiterisartog
Saaffiginnittarfimmi sulisoq
Iffiortog
Teknikikkut ilusilersuisartog

Elektromekaniker kr. 815
Tunisassiassanik naatitalerisartog
Saqisoq
Atisaliormik ingerlatsisoq
Tandklinikassistent/Kigutigissaasoq
Assiliisoq
Saaffiginnittarfimmi takornariaqarnermilu ikiorti
Allaffinni maskiinanut mekanikeri
Umiarsualiortog

Atisaliortartog kr. 907
Qarasaasialerisoq
Innaallagisserisoq
Saffioq maskiinalerisorlu
Maskinamik atortoqarluni sanasoq
Mittarfeqarfimmi sulisartog

Biililerisoq kr. 951
Nunalerinermi maskiinanik iluarsaasartog
Suliffeqarfimmi maskiinanik iluarsaasartog
Biilit qaavinut saffioq
Suliffissuarmi teknikeri
Eqqaavilerinermi teknikeri
Lastbiililerisoq
Umiarsuarni ikkussuisartog

Ilanngussaq 2, oqaasertaliussat kiisalu oqaasertaliussanut nassuiaatit

Imarsiutininik- & snescooterinik iluarsaasartog

Ataatsimeersuarnerni suliffeqarfinnilu saqisoq kr. 1.059

Automatikmekanikeri kr. 1.087

Illunik qalipaasoq

Elektronikmekanikeri

Teknikikkut ilusilersuisartog

Timigissartunik ilitsersuisartog

TNI/Revisorassistent

Radionik iluarsaasartog

Sanasoq

Ruujorilersuisartog

Ruujorilerisoq

Nujalerisoq

Umiarsualiveqarfimmi il.il. sulisoq kr. 1.230

Timmisartuni mekanikeri

Inuussutissalerinermut ikiorti

IT-mut ikiorti

Peqqumaasivinni angallassinermilu sulisartog

Qarmaasoq

Iffiortoq

Igasog

HG/TNI Kalaallit Nunaat kr. 1.607

TNI ulluinnarni nioqqutissanik niuorneq (pisiniarfimmi)

TNI allaffissorineq (allaffik)

TNI/HG immikkuullarissumik sammivilimmik pisiniartitsisunngorniaq

TNI/HG immikkuullarissumik sammiveqarani pisiniartitsisunngorniaq

TNI/HG niuertussanngorniaq

Frontline Tv-radio ikorsiisartog

Cater & kantineassistent

Svejser kr. 1.715

Isarualerisoq kr. 1.863"

Ilanngussaq 2, oqaasertaliussat kiisalu oqaasertaliussanut nassuiaatit

Konto pingaarneq 40.02.06-imut, Ilinniarnermi tapiissutit meeqqanullu tapit, nassuiaatit

AIS2019-imi kontomut pingaarnermut matumunnga oqaasertaliussanut nassuiaatit peerneqarniarput tulliuuttumillu taarserneqarniarlutik:

”Ilinniagaqarnersiutit annertussusissaat inatsisartut inatsisaat atuuttoq naapertorlugu aningaasanut inatsimmi aalajangersarneqartarput.

Oqaasertaliussat AI 2018-imit ingerlateqqitaapput.”

Aalisarnermut, Piniarnermut Nunalerinermullu Naalakkersuisoq - Suliassaqarfiit 50-51

Nr. 76.

Siunertamut konto 51.07 Inuussutissarsiuutinut tapersiisarneq (ESU)-mut

AIS2019-imi siunertamut kontomut matumunnga oqaasertaliussat nr. 5 peerniarneqarput tulliuuttumillu taarserniarneqarlutik, tassani savaatilinnut taarsigassarsisitsinissamut piginnaatitsissut 3.000.000 kr.-init 3.500.000 kr.-inut qaffanniarneqarluni. Qaffaaneq pivoq Ilassutitut Aningaasaliissutini (IA) suliat 2017-imi 2018-inimilu akuersissutigineqarmata, takuuk IA-mi suliat normui 17-766 aamma 18-810:

”Nr. 5.

Naalakkersuisut savaatillit taarsigassarsiaannut 3,5 mio. kr.-t angullugit qularnaveeqqusiinissamut piginnaatinneqarput, piumasaqaatit ataani allassimasut tunngavigalugit:

- Qularnaveeqqusiissutit aningaaserivimmi, sparekassimi Nunat Avannarliit Killiit Aningaasaateqarfiani taakkualuunniit akuleriissillugit taarsigassarsiarititaannut sillimmasiissutigineqarsinnaapput. Qularnaveeqqusiissutit taarsigassarsiat allat siviisoqataannut, sivisunerpaamik ukiut aappaat avillugu, taarsersugassatut piffissaligaassapput.
- Taarsigassarsiat taamaallaat nioqqutissianik suliarineqaqqaarsimanngitsunik imaattunik pisinermut atorneqarsinnaapput: Savat nerukkaatissaannut, naggorissaatissanut kalkinullu kiisalu nerukkaatissanik naatitanillu naatitsinissamut ikkussugassanut.
- Annertunerpaamik taarsigassarsiat 100%-iinut qularnaveeqqusiisoqarsinnaavoq. Taarsigassarsiat niuernermi atugassarititaasut tunngavigalugit taarsigassarsiaassapput, taamaattorli 2020-p naaneranut ukiup aappaat avillugu taarsersugassatut piffissalerneqassapput.
- Taarsigassarsianut qularnaveeqqusiissutit piffissami taarsigassarsiat tunniunneqarnerisa nalaanni Kalaallit Nunaanni savaateqarnermik inuussutissarsiorsinnaatitaasunut inunnut suliffeqarfinnullu atugassanngortinneqarsinnaapput

Ilanngussaq 2, oqaasertaliussat kiisalu oqaasertaliussanut nassuiaatit

- Nunalerinermut aamma aningaasaqarnermut tunngasumi taarsigassarsisitsinerup ingerlanneqarnissaata pissusissamisoortuuneranik naliliisoqarsimanissaa, qularnaveeqqusiinissamut piunasaqaataavoq.
- Qularnaveeqqusiissuteqarnermi Nunatta Karsiata akiligassai akiitsut sinnerini piffissamut qaqugumulluunniit atuuttumut assinginik amerlassuseqartunut annertussuseqarput, taakku aningaasat qularnaveeqqusiiffigineqartut taarsigassarsiarineqaqqaartut aningaasartaannik annertussuseqarput, tassami qularnaveeqqusiissuteqarnermi taarsigassarsisumut ernialiissutigineqartut akitsuusiunneqartullu ilaatinneqanngimmata.

Qularnaveeqqusiinermi Nunatta Karsiata akisussaaffeqarpoq qaqagukkulluunniit akiitsut sinneruttut, taarsigassarsiviit qularnaveeqquserneranni annertussusaanik, tassani qularnaveeqqusiineq taarsigassarsisitsisup erniarititaanut akiligassiissutaanullu ilaanngimmat.”

Kontomut pingaarnermut 51.07 Inuussutissarsiutinut tapersiisarneq (ESU)-mut

AIS2019-imi kontomut pingaarnermut matumunnga nr.1-imut oqaasertaliussanut nassuiaatit peerneqarniarput tulliuuttumillu taarserneqarniarlutik:

“Nr. 5.

Oqaasertaliussatigut Naalakkersuisut qularnaveeqqusiissutinik tunniussisinnanissaminnut piginnaatinneqarput, peqatigitillugulu ukiumi aningaasanut inatsiseqarfiusumi qularnaveeqqusiinernut ataatsimut aningaasanut annerpaamik killiliisoqarluni.

Aningaasariviup tamanna pisariaqarsorippagu, aningaaserivimmit aningaasalersorneqartunik nerukkaatissanik suliarineqaqqaarsimanngitsunik pisinermut Namminersorlutik Oqartussat 100 %-imik qularnaveeqqusiisinnaapput.

Qularnaveeqqusiineq taanna konto pingaarneq 51.07.42, Taarsigassarsiat erniallit, aqutigalugu aningaasalersukkamik taarsigassarsisitsinikkut aningaasalersorneqassaaq.

Oqaasertaliussat AI 2018-imit ingerlateqqitaapput.”

Aatsitassanut Suliffeqarnermullu Naalakkersuisoq - Suliassaqarfik 66 - 67

Nr. 77.

Kontomut pingaarnermut 67.01.04 ASIAQ (Misissueqqaarnerit/Grønlands Forundersøgelser)

Suliassaqarfiit allanngornerat pissutigalugu AIS2019-imi kontomut pingaarnermut matumunnga oqaasertaliussat peerniarneqarput, kontomut pingaarnermut 20.01.10 ASIAQ (Misissueqqaarnerit/Grønlands Forundersøgelser) nuunneqarmata

Ineqarnermut Attaveqagatigiinnermullu Naalakkersuisoq - Suliassaqarfik 70 - 72

Nr. 78.

Kontomut pingaarnermut 72.06.51 Inissianik tunisineq – ilanngaaseereerluni akiliuteqarneq (isertitatut aningaasaliissutit)

Kontomut pingaarnermut matumunnga oqaasertaliussaq tulliuuttoq ilanngunniarneqarpoq:

”Nr. 3.

Naalakkersuisut piginnaatinneqarput, illuutit isaterneqariaannaasut kiisalu ilaqutariinnut arlalinnut inissiat isaterneqariaannaasut pisortatigoortumik qaffasinnerpaamik akiliiumasumut tunissallugit. Tamatumani illoqarfinni, inuussutissarsiornikkut pitsaasumik inissisimasinnaasunik isaterneqariaannarnik illuuteqarfiusuni inuussutissarsiornikkut ineriartormik periarfissiiniarluni. Tunisinermit isertitat kontomut pingaarnermut 89.72.12 suliap nr. 996.34.527 Iluarsaassinerit isaterinerillu assigiinngitsut ikineqassapput.”

Kontomut pingaarnermut 72.06.51 Inissianik tunisineq – ilanngaaseereerluni akiliuteqarneq (isertitatut aningaasaliissutit) nassuiaatit

Oqaasertaliussanut nassuiaatit tulliuuttut ilanngunniarneqarput:

”Nr.3.

Oqaasertaliussamik piginnaatitsissutigineqarpoq pisortat tuniniaanerisigut illuutit isaterneqariaannaat qaffasinnerpaamik akiliiumasumut tunineqarsinnaanissaat. Isertitanik taama ittunik kontomi pingaarnermi 89.72.12 suliap nr. 996.34.527 Iluarsaassinerit isaterinerillu assigiinngitsut isertitaqarnikkut, Namminersorlutik Oqartussat inissiaataannik isaterinernik imaluunniit iluarsaanernik suliassanut allanut aningaasanik qulakkeerinnittoqassaaq.

Tuniniaanermi piumasarineqarsinnaavoq, sanatitsisup iluarsaanissamut imaluunniit isaterinissamut kiisalu tamatuma kingorna nutaanik sanaartornissamut aningaasaqarnermi tunngavissaqarnermik uppersaasannaanissaa, tamatuma saniatigut piumasarineqarsinnaavoq ukiut marluk ingerlanerani suliat naammassineqassasut. Tamatuma qulakkiissavaa inissiaatip ukiuni amerlasoorpassuarni inuerussimalluni atorneqaranilu uninngaannarnissaa.

Oqaasertaliussat nutaajupput.”

Ilanngussaq 2, oqaasertaliussat kiisalu oqaasertaliussanut nassuiaatit

Nr. 79.

Kontomut pingaarnermut 72.10.16 Inissiat attartortittakkat ingerlanneqarnerat, aningaasaliissutinit iluanaarutit

Kontomut pingaarnermut matumunnga oqaasertaliussat tulliuuttut ilanngunniarneqarput:

"Nr. 8.

Naalakkersuisut piginnaatinneqarput, Namminersorlutik Oqartussat inissiaataannik iluarsaassinernik, aserfallatsaaliuinerneq aamma isaterinerneq suliaqarnerneq atattillugu sanatitsisunit siunnersorneqarnissamut INI A/S-imut isumaqatigiissuteqarsinnaanermut."

Kontomut pingaarnermut 72.10.16 Inissiat attartortittakkat ingerlanneqarnerat, aningaasaliissutinit iluanaarutit, nassuiaatit

Oqaasertaliussanut nassuiaatit tulliuuttut ilanngunniarneqarput:

"Nr. 8.

Oqaasertaliussat periarfissippaat, sanatitsisut siunnersuinerannik aaqqiissuteqarneq pillugu Naalakkersuisut INI A/S-imut isumaqatigiissuteqarsinnaanernik. Tamanna suliaqarnerneq naalakkersuisoqarfiup akisussaaffigisaanik imaluunniit suliaqarnerneq tamakkiisumik imaluunniit ilaannakortumik suliarinnittussarsiuunnissaannut taarsiutaavoq. Taamaasilluni tamatumunnga atattillugu suliniutit ataasiakkaat naammassineqarnerannut atattillugu attartortut aamma Namminersorlutik Oqartussat inissianik aqutsineranni sulianik aaqqiissuteqarnermi ataqatigiissaarinerneq qulakkeerinnittoqarpoq.

Oqaasertaliussat nutaajupput."

Nr. 80.

Konto pingarneq 72.20.05 Ilaasunik angallassinermut tapiissutit

AIS2019-imi kontomut pingaarnermut matumunnga oqaasertaliussat peerneqarniarput tulliuuttumillu taarserneqarniarlutik:

"Nr. 1.

Naalakkersuisut suliaqarnerneq kontumi pingaarnermi matumani piffissami 1. januar 2019-imiit 31. december 2021-mut siunertamut ilaasut suliarineqarnissaannut suleqatigisanut avataaneersunut isumaqatigiissusiornissamik piginnaatinneqarput. Isumaqatigiissutit tamatuma kingornatigut ukiut tallimat tikillugit sivisunerpaamillu 31. december 2013 tikillugu sivitsorneqarsinnaapput. Isumaqatigiissutissat isumaqatiginninniutigineqarnissaat sioqqullugu Naalakkersuisut isumaqatiginninniaqataasussamik peqataatitaqassapput, Inatsisartut Aningaasaqarnerneq Akileraartarnermullu Ataatsimiititaliaanik akuerineqartussamik. Isumaqatiginninniutissaq aningaasatigut atugassarititaasunik angallassiviusussallu ataasiakkaat qanoq akulikitsigisumik tikinneqartarnissaannik imaqarpoq.

Ilanngussaq 2, oqaasertaliussat kiisalu oqaasertaliussanut nassuiaatit

Naalakkersuisut, Aningaasaqarnermut Ataatsimiititaliap akuersineratigut, konto pingaarnermi matumani siunertarineqartut iluanni suliassanik aaqiinnissamut suleqatissanik avataaneersunik isumaqatigiissuteqarnissamik piginnaatinneqarput. Naalakkersuisut pisinnaatinneqarput, angallannermi suliassanik aaqiissuteqarnermut atatillugu Air Greenlandimik, Disko Linemik, Norlandair-imik aamma Arctic Umiaq Linemik isumaqatigiissuteqarsinnaanissamut.

Nr. 2.

Konto pingaarnermi matumani aningaasaliissutini tamarmiusuni ilassutitut isumaqatigiissusiornissamut imaluunniit tapiissutitut tunngatillugu isumaqatigiissutigineqarsimasunut piseqqaartussaataanermt isumaqatigiissusiornissamut kiisalu pisariaqassusaa naapertorlugu matumunnga naapertuuttunik Air Greenlandimik, Disko Linemik, Norlandair-imik aamma Arctic Umiaq Linemik isumaqatigiissutigineqarsimasunik aaqiinnissamut Naalakkersuisut piginnaatinneqarput.”

Konto pingaarneq 72.20.05 Ilaasunik angallassinermut tapiissutit pillugit nassuiaatit

AIS2019-imi kontomut pingaarnermut matumunnga nr.1-imut aamma nr. 2-mut oqaasertaliussanut nassuiaatit peerneqarniarput tulliuuttumillu taarserneqarniarlutik:

“Nr. 1.

Tamanut timmisartumik angallassinerep umiarsuarmillu angallassinerep ingerlannissaannut isumaqatigiissuteqarnikkut sipaarniuteqarnikkut ukiuni arlalinni atuuttussamik isumaqatigiissuteqarnissamut Naalakkersuisut tunngavissaqalernissaat oqaasertaliussatigut qulakkeerneqarpoq.

Kiffartuussinissamik isumaqatigiissutitut tapiissutit pingaarnertut tunngavilersuutaasut pingasut malillugit, ornigassanut:

- angallannikkut periarfissaqartussaangikkaluanut.
- akit pissutigalugit angalasinnaassangikkaluanut amerlasuunut.
- akuttunerumillu tikinneqartartussaagaluanut tapiissutaassapput.

Isumaqatigiinniarsinnaatitaaneq Naalakkersuisut pilersuisullu akornanni isumaqatigiinniarnernut tunngavissiivoq. Atugassarititaasut taakkua aningaasanut inatsimmiit aningaasatigut atugassarititaasut saniatigut, sullissinerup isumagineqarnissaanut qulakkeerinninnissamik, pitsaassutsimik kiisalu CSR-mik piumasaqaateqarnissamik ilaqassapput. Naalakkersuisut pilersuisunik pituttuisuusumik isumaqatigiissuteqannginnerminni isumaqatigiinniarnernit inernerit Inatsisartut Aningaasaqarnermut Akileraartarnermullu Ataatsimiititaliaannit akuerineqaqqaassapput.

Ilanngussaq 2, oqaasertaliussat kiisalu oqaasertaliussanut nassuiaatit

Inatsisartut Aningaasaqarnermut- Akileraartarnermullu Ataatsimiititaliaanut isumaqatiginninniartitassap akuersitinneratigut, angallassinissamut isumaqatigiissutitut tunngaviusut suliap aallartinneqarneraniilli ilusilersorneqarneranut Inatsisartut sunniuteqaqataanissaat qulakkeerseqassaaq. Angallassinermi aaqqiissutit pillugit Air Greenland, Disko Line, Norlandair aamma Arctic Umiaq Line isumaqatigiissuteqarfigineqarput.

Oqaasertaliussat AI 2018-imit iluarsineqarlutik ingerlateqqitaapput.”

Nr. 2.

Ilassutitut isumaqatigiissutit, piseqqaartussaataaerermut isumaqatigiissutit imaluunniit isumaqatigiissutigineqareertuni aaqqiinerit pineqartut ukunani kiffartuussinissamut isumaqatigiissutini aaqqiinissamik siunertaqarput: Ilaasoqarsinnaassuseq, billetsit annaasanut isumannaallisaaneq, najugaqartitsinerermut nerisaqartitsinerlu, billetsit akiinik appaanerit aamma billetsinik inniminniisarnermut nittartakkatigut aaqqiisinnaaneq kiisalu attaveqaatit allat, tamanna peqqussutitut isigineqassaaq. Nanortalimmi Qeqertarsuullu Tunuani angallanermik kiffartuussinermut tunngatillugu oqaasertaliussat immikkut naleqquttuunissaat naatsorsuutigineqarpoq. Pisariaqartitsineq ukiup affaata siulliup ingerlanerani ukiumoortumik nalilersorneqartarpoq.

Angallassinermi aaqqiissutit pillugit Air Greenland, Disko Line, Norlandair aamma Arctic Umiaq Line isumaqatigiissuteqarfigineqarput.

Oqaasertaliussat AI 2018-imit iluarsineqarlutik ingerlateqqitaapput.”

Nr. 81.

Konto pingaarnermut 72.20.07 Nakkutiginnineq nakkutiginneqqissaarnerlu, angallanneq-

mut
AIS2019-imi kontomut pingaarnermut matumunnga oqaasertaliussat peerneqarniarput tulliuuttumillu taarserneqarniarlutik:

”Kontumi pingaarnermi matumani siunertarineqartunut suliasat ilaasut aaqqiiviginissaat pillugu suleqatinik avataaneersunik isumaqatigiissuteqarnissamut Naalakkersuisut piginnaatinneqarput. Isumaqatigiissutaasuni aningaasaliissutaasut tamarmiusut sipporneqassanngillat, ukiullu missingersuusiorfiusut sunnerneqaqqusaanatik.

Naalakkersuisut piginnaatinneqarput sumiiffimmi umiarsualivimmi oqartussaarnermik tigummisussanik makkununnga isumaqatigiissuteqarsinnaanermut Royal Arctic Line, KNI aamma Mittarfeqarfii.

Ilanngussaq 2, oqaasertaliussat kiisalu oqaasertaliussanut nassuiaatit

Naalakkersuisut piginnaatinneqarput tulliuuttunik avataaneersunik suleqateqarsinnaanermut isumaqatigiissuteqarnissamut: Orbicon Arctic, Rambøll, Deloitte, Inuplan aamma Sweco Kalaallit Nunaanni attaveqatigiinnermut tunngasunik misissueqqissaarnissamut suliaqarnissamullu.”

Konto pingaarnermut 72.20.07 Nakkutiginnineq nakkutiginneqqissaarnerlu, angallanneq-mut nassuiaatit

AIS2019-imi kontomut pingaarnermut matumunnga oqaasertaliussanut nassuiaatit peerneqarniarput tulliuuttumillu taarserneqarniarlutik:

”Oqaasertaliussatigut piffissamut ungasinnerusumut pilersaarusiorsinnaaneq ukiumoortumillu kiffartuussinissamik isumaqatigiissusiornissamut allaffissornikkut nukinnik atuinissap pinngitsoortinnissaa periarfissinneqarput.

Oqaasertaliussat AI 2018-imit iluarsineqarlutik ingerlateqqitaapput.”

Nr. 82.

Konto pingarneq 72.26.02-mut, Mittarfeqarfiit

AIS2019-imi kontomut pingaarnermut matumunnga nr.1-imut oqaasertaliussat peerneqarniarput tulliuuttumillu taarserneqarniarlutik:

“Nr. 1.

Konto pingaarnermi matumani Mittarfeqarfinni pingaarnertut anguniagaasut iluanni, matuma ataani Inuplan aamma Sweco suliaasat aaqinneqarnissaannut suleqatigisanut avataaneersunut isumaqatigiissuteqarnissamik Naalakkersuisut piginnaatinneqarput. Isumaqatigiissutaasuni aningaasaliissutaasut tamarmiusut sipporneqassanngillat, ukiullu missingersuusiorfiusut sunnerneqaqqusaanatik.”

Konto pingarneq 72.26.02 Mittarfeqarfiit-mut nassuiaatit

AIS2019-imi kontomut pingaarnermut matumunnga nr.1-imut oqaasertaliussanut nassuiaatit peerneqarniarput tulliuuttumillu taarserneqarniarlutik:

“Nr. 1.

Piffissamut ungasinnerusumut pilersaarusiorsinnaanissaq piffissamilu sivilisunerusumi atuuttussamik isumaqatigiissuteqarnikkut sipaarniuteqarnissap anguneqarsinnaanera oqaasertaliussatigut periarfissinneqarpoq.

Oqaasertaliussat AI 2018-imit ingerlateqqitaapput.”

Sanaartornermi suliassaqarfik - Suliassaqarfik 80-89

Nr. 83.

Suliassaqarfimmut 80-89 Sanaartornermi iluarsaassinermilu suliassaqarfik oqaasertaliussat

Kontomut pingaarnermut matumunnga oqaasertaliussat tulliuttut ilanngunniarneqarput:

”Nr. 11.

Naalakkersuisut piginnaatinneqarput B-1433 blok 1 Kommuneqarfik Sermersuumut tunniutissallugu, kiisalu kontomit pingaarnermi 89.72.12 Inissialiassat taartissanillu inissiaortiterineq, suliap nr. 060.31.033 Isaterinerit assigiinngitsut, Nuuk – blok 1-imik isaterisinnaanermut atugassat 10,0 mio. kr.-it inississallugit.

Kommuneqarfik Sermersooq Nuuk Centerip ilaneqanissaanut akuersissuteqassappat, sanatitsisuoq B-1433 blok 1-imik isaterinissamut aningaasartuuteqassaaq. Taamaaliortoqassappat 10,0 mio. kr.-it inissitat Namminersorlutik Oqartussanut suliaq nr. 996.34.527 iluarsartuussinerit isaterinerillu assigiinngitsut utertinneqassapput.

Nuuk Centerip ilaneqarnissaa piviusunngortinneqanngippat, 10 mio. kr.-it taakku Kommuneqarfik Sermersuumut tunniunneqassapput, B-1433 blok 1-imik isaterinissamut atugassatut.

1. januar 2021 sioqqullugu B-1433 blok 1 isaterneqarsmanngippat, B-1433 blok 1 aamma 10 mio. kr.-it Namminersorlutik Oqartussanut nuutseqqinneqassapput, tamatuma kingorna Namminersorlutik Oqartussat blok 1 tunissallugu imaluunniit isaterineq aallartissallugu.”

Suliassaqarfimmut 80-89 Sanaartornermi iluarsaassinermilu suliassaqarfik nassuiaatit

Oqaasertaliussanut nassuiaatit tulliuttut ilanngunniarneqarput:

”Nr. 11.

Oqaasertaliussanik siunertaavoq B-1433 blok 1-imik isaterinissamut aningaasat illuartinneqareersut siunertamut atorneqarnissaat qulakkeerneqassasoq. 10 mio. kr.-it taakku Namminersorlutik Oqartussat Nuummi B-1433 blok-imik isaterinissamut missingersuutaasa-B-t nalingaat kiisalu toqqavimmi biilit unittarfissaannik pilersitsinissamut siusinnerusukkut Kommuneqarfik Sermersuumut isumaqatigiissuteqarnermi.

Oqaasertaliussat nutaajupput.”

Nr. 84.

Kontomut pingaarnermut 85.50.20 Takornariaqartitsinermi sanaartorneq

Kontomut pingaarnermut matumunnga oqaasertaliussat tulliuttut ilanngunniarneqarput:

Ilanngussaq 2, oqaasertaliussat kiisalu oqaasertaliussanut nassuiaatit

”Naalakkersusiut piginnaatinnerqarput kontomi pingaarnermi 85.50.20 Takornariaqartitsinermi sanaartorneq (Sanaartornermut aningaasaliissutit) Nuummi umiarsualivimmi illuutitik tunniussissallutik, siusinnerusukku Royal Arctic Line A/S-ip qullersaqarfigisimasaani, illuutitik suliffeqarfimmu inuiaqatigiinnu iluaqutaasumut namminersortumut, tikeraat ornittagaannik takornariaqartitsivinnillu pilersitsisarneq ingerlatsisarnerlu pillugit Inatsisartut inatsisaat nr. 25, 28. november 2016-imeersoq tunngavigalugu Namminersorlutik Oqartussanit pilersinneqartumut akeqanngitsumik tunniunneqassasut.”

Kontomut pingaarnermut 85.50.20 Takornariaqartitsinermi sanaartukkat nassuiaatit

Kantomut pingaarnermut matumunnga oqaasertaliussanut nassuiaatit tulliuuttu ilanngunniarneqarput:

”Nuuk Natur- og Geopark tassaavoq tikeraat ornittagaasa aappaat, Naalakkersuisut takornariaqarnermi periusissaannu atavillugu pilersinneqartoq. Nuuk Natur- og Geoparkimik pilersitsineq ilaatigut suliffeqarfii tapiinerannik aningaasalersorneqassaaq, matuma ataani illutanik, ilusiliamut aamma inissisimaffimmu atavillugu siunertamut tulluurtunik agguaaneritigut. Pilersaarutigineqarpoq Nuuk Natur- og Geopark illuutini, Nuummi umiarsualivinniittuni siusinnerusukku Royal Arctic Line A/S-ip qullersaqarfigisimasaani pilersinneqassasq. Illuutit Royal Arctic Line A/S-imit Namminersorlutik Oqartussanut agguaanneqassasut naatsorsuutigineqarput. Naalakkersusiut piginnaatinnerqarput kontomi pingaarnermi 85.50.20 Takornariaqartitsinermi sanaartorneq (Sanaartornermut aningaasaliissutit) Nuummi umiarsualivimmi illuutitik tunniussissallutik, siusinnerusukku Royal Arctic Line A/S-ip qullersaqarfigisimasaani, illuutitik suliffeqarfimmu inuiaqatigiinnu iluaqutaasumut namminersortumut, tikeraat ornittagaannik takornariaqartitsivinnillu pilersitsisarneq ingerlatsisarnerlu pillugit Inatsisartut inatsisaat nr. 25, 28. november 2016-imeersoq tunngavigalugu Namminersorlutik Oqartussanit pilersinneqartumut akeqanngitsumik tunniunneqassasut. Suliffeqarfik inuiaqatigiinnu iluaqutaasq namminersortoq ilaatigut Nuuk Natur- og Geoparkimik piginnittuullunilu ingerlatsisuusaaq, kiisalu matuma ataani illuutitik Royal Arctic Line A/S-imik agguaanneqartunnik kingornalu suliffeqarfimmu namminersortumut tunniunneqartunik. Ingerlatseqatigiiffiit pillugit inatsimmi malittarisassat atuuttu naapertorlugit illuutitik agguaanneq Royal Arctic Line A/S-imit iluaqtissasut pissaaq. Suliffeqarfik inuiaqatigiinnu iluaqutaasusaaq namminersortoq Aningaasarsianit akileraarutit pillugit Inatsisartut inatsisaanni § 3, imm. 2 naapertorlugu akileraartussaataassanngilaq, inuussutissarsiornikkut suliffeqarfimmik ingerlatsinnginnami. Illuutitik nuussineq, taamaasilluni Aningaasarsianit akileraarutit pillugit Inatsisartut inatsisaanni § 13 naapertorlugu akileraarusersorneqassanngilaq.

Oqaasertaliussat nutaajupput.”

**UKIOQ MISSINGERSUUSIORFIUSOQ 2019 PILLUGU KOMMUNINUT
ATAATSIMOORTUMIK TAPISSUTINUT ISUMAQTIGIISSUTEQARNISSAQ
PILLUGU ISUMAQTIGIISSUT**

Nalinginnaasut

Kommunit kiisalu Namminersorlutik Oqartussat januaarip 22-anni 2014-imi missingersuusiortarnermi nutaamik isumaqatigiissusiorput kommunit kiisalu Namminersorlutik Oqartussat akornanni suleqatigiinneq piorsaaviginiarlugu ataatsimullu suleqatigiinnikkut siunissami attanneqarsinnaasumik aningaasaqarnermut politikkeqalernissamut aqputissiuussisussamik pisortanilu suliassat naammassineqartarnissaannut.

Missingersuusiortarnermi suleqatigiinnissaq pillugu isumaqatigiissuteqarnermi ukiunut arlalinnut ataatsimoortumik tapiissutit pillugit isumaqatigiissusiornerit siunissami pilersaarusiornissamut iluaqutaasussamik isumaqatigiissutiginnissaat, aammalu pisortat ingerlatsiveqarfiini tamani paasiuinartuullutillu aqukkuminartuunissaat illuatungeriit isumaqatigiissutigaaat. Ataatsimut unammilligassat qularnaarlugit oqimaaqatigiissuunissaasa pisariaqarnera illuatungeriit erseqqissaatigaat, peqatigitillugulu aamma kommunit kiisalu Namminersorlutik Oqartussat namminneq aalajangiisinaanerat eqqarsaatigalugit..

Siunissami ataatsimoortumik tapiissutinut isumaqatigiissutit ajunngitsumik kajumissuseqalersitsinermik pilersitseqataassapput, taamaaliornikkut pisortat suliassai pisariitsumik tulluurtumillu suliarineqarsinnaassammata, tamannalu pillugu ingerlaavartumik nalilersuisoqartarluni, tamatumani aningaasaqarnikkut sunniutaasut uuttuiffiginiarneri kisiisa pinnagit, kisiannili aamma suliassani isumaginninniarnermi pitsaassuseq naammagisimaarinninnerlu uuttuiffiginiartillugit.

Naalakkersuisut kommunillu akornanni suleqatigiilluarnissamut atatillugu atorfilittat inatsisitigut allanngoriartornerit aamma kommunit aningaasaqarneri taavalu kommuninut ataatsimoortumik tapiissutit malitsigisaanik sunniutaasut ataavartumik immikkut eqqartueqatigiiffiqartarput.

Immikkoortunut pilersaarutit

Immikkoortunut pilersaarutit ukiunut arlalinnut atuuttussat inuiaqatigiit katitigaanerisa allanngoriartornerat tunngavigalugu suliarineqassapput, tassani ukiut tamaasa illuatungeriit pisortat aningaasarsiornerannik piffissamut ungasinnerusumut pilersaarusiortarnerat aallaavigineqassaaq, suliarineqartullu kingusinnerusukkut aningaasanut inatsisip kommunillu missingersuusiaannik suliaqarnermut ilanngunneqarsinnaallutik.

Immikkoortunut pilersaarutit suliarinerini ilaatigut suliassat nuunneqartussat piareersarfiginissaannut siunnersuuteqartoqartarpoq. Kommunit akisussaaffeqarfiit amerlanerusut tigorussuppaat, taamatuttaaq sanaartornermut tunngassuteqartut. Illuatungeriit isumaqatigiissutigaaat taamaaliornissat sukumiisumik piareersarneqassasut imatullu pissasut sanaartornerit

ingerlaavartunngortillugit aamma kommunit akornanni sanaartornermut aningaasat agguaanneqartarnerannut naammaginartunik aqutissiuussisoqassasoq.

Susassaqarfimmut aalajangersimasumut tunngatillugu nuna tamakkerlugu kommuninullu immikkoortunut pilersaarutit sanaatortitsinernut aningaasanik kommuninut nuussisoqassappat tunngaviatigut piumasarineqassapput. Nuna tamakkerlugu immikkoortunut pilersaarutitik aammalu Namminersorlutik Oqartussani kommuninilu immikkoortunut pilersaarutitik suliaqartarnermut taakkuninngalu ingerlaavartumik ataqatigiissaarinermut atatillugu ukiuni tulliuuttuni annertuumik salliutitsilluni suliniuteqartoqarnissaa pisariaqartinneqarpoq. Taamaalillunilu immikkoortunut pilersaarutitik suliaqarneq nuna tamakkerlugu anguniakkanik qulakkeerinnissaaq, tamatumani kommunini immikkoortumut pilersaarutitik najukkami/kommunimi pisariaqartitanut atatillugu atuutsitsilernissaaq qulakkiissallugu.

Ataatsimoortumik tapiissuteqariaaseq aamma naligiissaarinermut periuseq nutaaq

Ataatsimoortumik tapiissuteqariaaseq aamma naligiissaarinermut periuseq nutaaq nangittumik suliarineqassasoq illuatungeriit isumaqatigiissutigivaat. Periutsimi nutaami arlaannaannulluunniit attuumassuteqannginnissamik tunngavik atorneqassaaq ataatsimoortumillu tapiissutit agguataarnerini kommunini assigiinngitsuni aningaasartuutaanerusartut assigiinngitsut pingaartinneqartassallutik. Aammattaaq periuseq atorlugu assigiinngitsunik isertitatigut tunngaveqartartut aqutigalugit assigiikannersumik akileraaruteqarluni kommunit naammaginartumik sullissisinnaapput.

Arlaannaannulluunniit attuumassuteqannginnissamik periuseqarnermi Avannaata Kommunianit aamma Kommune Qeqertalimmit sivikinnerpaamik ukiup ataatsip ingerlanerani ingerlatsinermut naatsorsuuteqarnissaa minnerpaamik pisariaqarpoq.

Periutsumik nutaamik nangittumik suliaqarnermi suleqatigiissitami kommuninit namminersorlutillu oqartussanit peqataatitaqartumi pissaaq, tassanilu Kalaallit Nunaanni Naatsorsueqqissaartarfimmik peqataatitsisoqassalluni. Aalajangersimasumik ilinniagalinnit ikiorserneqartarnissaaq naatsorsuutigineqartassaaq taamalu Naalackersuinikkut Ataqatigiissaarisooqatigiinni sulinerup siuariartornissaa pillugu akuttunngitsumik nalunaarutiginnittoqartarnissaa qulakkeerneqarluni.

Isumaqatigiissutip matuma isumaqatigiissutigereernerata kingorna siunissami periusissami aamma taassuma tunngaviumik suliarineqarnerani kinaassusersiunngitsumik tunngaveqarnissaaq pillugu oqaloqatigiissutigineqassasoq illuatungeriinnit isumaqatigiissutigineqarpoq.

Ataatsimoortumik tapiissutinut aamma naligiissaarinermut periutsumik nutaap atulersinnissaata tungaanut periuseq atuuttoq unaangallassaaq:

- Piffissami 2016-imiit 2018-imut aaqqiissutaagallartoq 2019-imi aamma 2020-mi atorneqarallassasoq.
- Kommuneqarfik Sermersuup tamanut tapiissutinut isertitaat ukiumut 90 mio. koruuninik ilanngarneqassapput, taakkulu kommunit sisamaasut akornanni agguaanneqassallutik:

Kommune Kujalleq 33 mio. kr, Qeqqata Kommunian 5 mio. kr, Kommune Qeqertalik 33 mio. kr aamma Avannaata Kommunian 19 mio. kr.

Immikkut ittumik suliniuteqarfissat kommuninit Namminersorlutillu Oqartussaniut peqataaffigineqartariaqartut.

Missingersuusiortarnermi suleqatigiinnissaq pillugu isumaqatigiissuteqarnermi pisariaqarpoq ataatsimoortumik tapiissutit pillugit isumaqatigiissutit piffissamut ungasissumut pilersaarussianut naapertuutsinneqarnissaat. Ataatsimoortumik tapiissutinut isumaqatigiissutit pisortat suliaasa ersarissumik aaqqiiviginissaat qulakkeerniarlugu, sakkullu sorliit atorlugit ataatsimoortumik paasinnittoqarnissaani aningaasaqarnikkut atasinnaasumik ineriartortitsinissami kommunit aamma Namminersorlutik Oqartussat akornanni tulluurtumik suliaasanik agguassinnaanermut ajunngitsumik tunngaviliissapput.

Tamatumanilu nassuerutigalugu inuiaqatigiit aaqquissuusaanikkut ajornartorsiutaasa qaangerniarneranni pitsaasumik ilusilersukkamillu suleqatigiinnissaq pisariaqartinneqarmat. 2019-imut ataatsimoortumik tapiissutit pillugit isumaqatigiissummi suliaqarfiit uku iluanni suliniutit immikkut ittumik isiginiarneqassapput:

Pisortat suliaqarfiini pitsaanagerusumik aningaasanik aqutsinissaq:

Namminersorlutik Oqartussanut kommuninullu missingersuusiortarnermut naatsorsuusiortarnermullu inatsit januaarip aallaqqaataani 2018-imi atulersinneqartoq naapertorlugu, missingersuusiortarnermi ataqatigiissaarinermit naatsorsuutit pitsaanagerusut, pisortani tamani aningaasaqarnermik aqutsinerup nukittorsarnera aamma kommuninut Namminersorlutillu Oqartussanut aningaasaqarnermik attanneqarsinnaasumik ineriartortitsineq qulakkeerneqassallutik.

Inatsisip atulersinniarnerni kommunit nangittumik peqataatinneqassapput, ilaatigut Missingersuusiortarnermit Naatsorsuusiortarnermullu Siunnersuisoqatigiit inatsisitigut aalajangersagaasukkut kommunit pisortatigoortumik peqataatinneqarnerisigut, tassani kommunit aningaasaqarnikkut aqutsineq pillugu allaffissornikkut najoqqutassat aalajangersarniarnerini ilaatigut suliaakkiisoqartassalluni. Matumani pisortat ataatsimoortumik aningaasaqarnikkut aqutsinermit atortorissaarutaasa atulersinneqarnissaat aamma digitalinngorsaaneermut pisiniartarnermullu susassaqarfimmi suliniutit eqqarsaatigalugit sunniutaasinnaasut ataatsimullu iluarsiissutissat sapinngisamik annerpaamik atorluarneqarnissaat anguniarneqarpoq.

Tamatumunnga atatillugu paatsuungasoqaqqunagu eqqaaneqassaaq, missingersuutit tamarmiusut naatsorsorneqarnissaat Naalakkersuisunit qinnutigineqarmat, § 2 innersuussutigineqarpoq, maannamut atorunnaarallartinneqarpoq. Kingunerissavaa kommunip aningaasaqarnerata 2019-imi nakkutigineqarnera 2018-imut taannalu sioqqullugu pisumut naleqqiikkaanni allannguuteqanngitsumik ingerlanneqassaaq.

Aningaasartuutininik misissueqqissaarnerit

Ukioq 2017 ilanngullugu aamma tassanngaanniit aningaasatigut inatsit aqutigalugu aningaasartuuteqarfiit ataavartumik aningaasartuutitut misissuiffigeqqissaarnissaannut ilaatigut aningaasanik immikkoortitsisoqarpoq. Taassuma suliassamik naammassisaqarniarnerup pitsaassusaanik qulaajaanissaq siunertaraa, ajornanngippallu pisortat aningaasaqarneranni aningaasaqarnermut inissaqartitsinerusinnaasunik sipaarfiusinnaasunik nassaarsinnaanissaq siunertaalluni.

Tamatumunnga atatillugu namminersorlutik oqartussani kommuninilu, assersuutigalugu qarasaasiaqarnermut tunngatillugu, sulianik tigusiniarnermi susasaqarfiup misissuiffigeqqissaarneqarnissaa pineqartillugu, kommuninik suleqateqarnissaaq pisariaqarsinnaavoq.

Susasaqarfiit avitsilluni aningaasalersorneqartut:

Kommunit Namminersorlutillu Oqartussat utertitsisarnermik aqqissuussat aqutigalugit susasaqarfinni arlalinni aningaasalersuisarneq avittarpaat. Tamatuma kingunerisinnaavaa naapertuutinningsumik kajumissuseqalersitsiniartarneq, tassa susasaqartut ataasiakkaat aningaasartuutigisartagaat kiffartuussinermi tamakkiisumik aningaasartuutiginerartut naapertuuttanngimmata. Taamaammatt kiffartuussineq kiffartuussinermit allanit kommunimit Namminersorlutilluunniit Oqartussanit tamakkiisumik aningaasaliiffiginerartut naapertuutinningsumik unammillerneqassaaq.

Tamanit soqutigineqarpoq innuttaasut eqqortumik sullinneqartarnissaat aamma pisinnaatitaaffitsik malillugu kiffartuunneqarnissaat. Aningaasaqarnikkut aqqissuussinerit tamanna ikorfartussavaat, taamaammallu susasaqarfiit avitsilluni aningaasalersorneqartut susasaqarfinni missingiiffiginerartut atornerartussanngorlugit sapinngisamik killilersimaarneqassapput.

Assinganik kommunit ingerlatsinerinut namminersorlutik oqartussat tapiissutitut imaluunniit sivikitsumik sivilisunerumilluunniit tapiiffiginerartagaat susasaqarfiit misissuataarnissaat misissuiffigeqqissaarnissaallu pisariaqarpoq. Taamatut tapiissutinik aqqiissuteqarneq amerlasuutigut iluatsinngitsumik pilersaarusiornertalimmik kommuninut allaffissornikkut oqimaaloqutaasutut misiginerartarpoq, Namminersorlutik Oqartussat kommunillu 2013-imi suleqatigiinnissamut isumaqatigiissutip nassuiaatiginerartarnera innersuussutiginerartarpoq.

Siunissami saqqummiussassat qanoq pakkersimaarneqarsinnaanersut pillugit kommunit, Aningaasaqarnermut Naalakkersuisoqarfiup aamma naalakkersuisoqarfiit attuumassuteqartut akornanni suleqatigiinneq, matumani susasaqarfiit ilaat tamanut tapiissutitut aqqiissutit atorlugit ilaatinneqassanersut imaluunniit immikkut aqqiissutaassanersut Namminersorlutik Oqartussanit utertitsiffiginerartarlutik imaluunniit tapiiffiginerartarlutik pissanersut. Sulinermi suliniutit pitsaassusaata pissusissamisoortumik uuttortarnissaat pingaaruteqartuuvuq.

Digitaliseeriineq:

Digitaliseeriinissamik periusissiami nutaami pisariillisaanissamik periarfissap piviusunngortinneqarnissaanik sulineq nanginneqassaaq, pilersaarummi tamarmiusutut nassuiaatiniittut tunngavigalugit. Taamatut suliaqarnermi soorunami kommunit Namminersorlutillu Oqartussat kalluarneqassapput.

Immikkoortut pingaarnerit uku immikkuullarissumik pisariaqartinneqartutut oqaatigineqassapput:

- Akiligassiissutunik elektroniskimik suliaqarneq
- Imminut sullinneruneq (Sullissivik)
- Pigaartuunissamut pilersaarutit digitaliusut
- Tunngaviusumik paasissutissanut programmi, tassunga ilanngullugit tunngaviusumik ataatsimoortumik nalunaarsuineq aammalu Pitu pillugu suliniut.
- Inummut paasissutissat pillugit inatsisip nutaap atuutilersinneqarnera

ERP

Naalackersuinikkut Ataqtigiissaarisartoqtigiit septembarip 25-anni 2018-imi ERP pillugu suliniutip aaqqissuussaanerata ataatsimoorullugu ingerlanneqalerluni allanngortinnissaa tusaatissatut tiguaat. Siunissami aaqqissuussaannissaa pillugu erseqqissumik saqqummiussisutigineqarpoq, tamannalu tapersorsorneqarpoq.

ERP pillugu suliniutip ingerlateqqinneqarnissaanut atatillugu ataatsimeeqatigiit isumaqtigiissutigaat, systemip piviusunngortinneratigut pissarsiassaasinnaasut qitiulluinnartut, ilaatigut ingerlatsinermik aningaasalersuinikkut aammalu isumalluutunik allanut atuinissaq periarfissanngussamat.

Ataatsimoortumik aningaasartuutissanik aningaasalersuinissaq pillugu ataatsimeeqatigiit akunnerminni isumaqtigiissutigissavaat. Tamanna tunngavigalugu Namminersorlutik Oqartussat kommunillu tamatuminnga erseqqissaassuteqassapput pilersinneqarnissaalu piareersarlugu, taakkununga ilanngullugit piumasaaqatiniq qulakkeerineq aaqqissuussinikkut, naleqquttumik malittarisassiornikkut aammalu aningaasalersuinikkut.

Pisortani atuuffinnik ataqtigiissaakkanik ataatsimoortunik pilersitsineq

Pisortani sulisoqarfiit amerlasuut pisariillisaaffigineqarnissaannut piginnaasanik naammattunik pisariaqartinneqartunik peqanngilaq. Tamatumunnga peqatigitillugu teknikkikkut ineriartortoqarpoq, suliassat ilaat sumi inissisimaneq apeqqutaatinnagu naammassineqarsinnaalerlutik. Tamakkua kingunerisaannik pisortani atuuffinnik ataatsimoorussanik/ataqtigiissaakkanik pilersitsisoqarnissaa periarfissaalerpoq. Taamatut periarfissaqartoqalernera annertuumik pissarsissutaasinnaanera nalilerneqarpoq. Taamatut nikittoqassappat piffissaq aqutsinerlu qitiutinneqassapput.

Tamatuma saniatigut namminersorlutik oqartussani namminerimi aammalu namminersorlutik oqartussani kommunillu akornanni susassaqarfiit akimorlugit pitsanngorsaataasinnaasut pilersissinnaanissaannut pisariaqartinneqartumik sinaakkusiinissaq Naalackersuisunit sulissutiginiarneqarpoq.

Naalackersuisut kommuninik qanimut oqaloqateqartarniarput inatsisiliornissamut piareersaataasunik suliaqartoqarnissaa pisariaqartinneqassappat.

Suliassaqarfiit erseqqissut arlaqarput, ataatsimoortumik ingerlatsiffiginerisigut pingaarutilimmik iluaqutissarsiffiussinnaallutillu pikkorinnerulerfiussinnaasut, soorlu makku:

- Allattariarsorluni nutsigassat (TMS-systemi kommunini iluatsilluartumik atorneqaleraluttuartoq)
- Pisortat pisiniartarneri (Namminersorlutik Oqartussat kommunillu akornanni pisiniartarnermut tunngasunik suleqatigiinneq maannakkut nukittorsarneqartoq)
- Pisortat illuutaannik ingerlatsineq aserfallatsaaliisernerlu (annertoorujussuarnik pissarsissutaasinnaanera toqqammavissaqarunarpoq assigiissaakkamik suleriaaseqarnikkut, assigiinnillu systemeqarnikkut il.il.).

Eqqagassalerineq:

Septembarip 25-ianni 2018 Politikkikkut Ataqtigiissaarisartoqtigiit ataatsimiinnerminni nuna tamakkerlugu eqqagassalerinermi aaqqiissuteqarnikkut atuutilersitsinissamut tunngasunik saqqummiussissut eqqartorpaat.

Kommunit ataatsimoorlutik eqqagassalerinermi selskabiliornerisigut qitiusumi ikuallaavinnik marlunnik pilersitsisoqarsinnaanera siulittuutigineqarpoq, tamarmik immikkut akunnermut tonsinik marlunnik tiguisinnaasut, aappaa Sisimiuni aappaalu Nuummi inissisimassallutik. Qaqortumi, Maniitsumi Aasiannilu uuliakumik ikuallaavinnik pilersitsisoqarnissaa siunniunneqarpoq.

Taamatut aaqqiissuteqarnissaq kommunit ataatsimoorlutik suliarissavaat. Avatangiisinut Aningaasaateqarfimmit 6 mio koruunit tikillugit tapiissuteqarnikkut immikkuualuttut tamaasa ilanngullugit pilersaarusiortoqarnissaa Naalackersuisut tapersorsorpaat. Taamaattumik suliniut ataatsimoortumik tapiissutinit maannakkorpiaq sunnerneqassanngilaq. Suliap ingerlariaqqinnissaanut ilanngullugu ataatsimeeqatigiit isumaqtigiissutigaat, pilersaarummi tamarmiusutut nassuiaatiniittut suliniummut tunngasut nutarterneqassasut, aningaasaleeqataanissamik pisariaqartitsisoqarnersoq erseqqinnerusumik allaaserineqassasoq aammalu tassunga tunngatillugu naammaginarumik agguataarisoqarnissaa eqqartorneqassasoq, aallaaviatigut atuisunik akiliititsiffiunissaa, Nukissiorfinnut kissamik sinneruttumik tunisaqarnermi nalinganik taasaqarnissaq immaqalu ungasinnerusiq eqqarsaatigalugu pisortat akiligaannik tassunga amerlanerusunik tapiisoqartalernissaanik pisariaqartitsineq.

Ineqarnermut tunngasunik suliassanik tunniussinissamut piareersarneq

Naalackersuinikkut Ataqtigiissaarisartoqtigiit septembarip 25-anni 2018-imi ataatsimiinneranni eqqartorneqartut naapertorlugit Aningaasaqarnermut Naalackersuisoqarfik aamma Ineqarnermut Attaveqatigiinnermullu Naalackersuisoqarfik kommunit suleqatigalugit januaarip aallaqqaataani 2020-imi inissiat attartortittakkat kommuninit aqutarineqalernissaannut piumasaqaatit pisariaqartinneqartut naammassiniarlugit suleqatigiinnermik aallartitsissaaq.

Peqatigitillugu Ineqarnermut Attaveqatigiinnermullu Naalakkersuisoqarfiup attartortitsinermit inatsisissaq nutaaq pillugu suleqatigiissitaq aggersarniarpaq, tamatuminnga suliaqarneq nangeqqinneqarniassamat.

Suliniutinik atuutilersitsisarneq sivisusarpoq

Ataatsimoortumik tapiissutit pillugit isumaqatigiissummi 2018-imeersumi ukiaanerani inatsisit nutaat akuersissutigineqartut ukiup tullissaani januaarip aallaqqaataani atuutilersussat allaffissornikkut pisariaqartumik aaqqissuussiffigineqarnissaasa ajornakusoorsinnaanerani paasinninneq ingerlateqqinneqarpoq.

Ataatsimeeqatigiit isumaqatigiissutigaat, DUT-imi tunngavik tunngavigalugu kommunit aningaasatigut kingunerisassat ima aalajangersarneqartariaqartut, ajornartorsiutit taaneqartup kingunerisaanik ukiuni siullerni ilimagisamik kommunit aningaasartuutissaat erseqqissumik eqqarsaatigisariaqartut. Tassunga tunngatillugu aamma isumaqatigiissutigineqarpoq, inatsisissat siunnersuutini aningaasatigut allaffissornikkullu kingunerisassat pillugit nalinginnaasumik oqaaseqaataasartut, kommunit attuumassuteqartut, atuutilersitsinissamat tunngasortaa ersersinneqassasoq aammalu aningaasartuutissat kommunit tunngasuteqartut erseqqissatigineqqassallutik.

2020-imut ataatsimoortumik tapiissutissanut isumaqatigiissuteqarnissamik piareersaaneq

Ataatsimeeqatigiit anguniarpaat kommunit Namminersorlutillu Oqartussat akornanni ataatsimoortumik tapiissutisiassat pillugit isumaqatiginninniarnit naammassineqassasut aammalu ukioq mannamut sanilliullugit siusinnerujussuakkut inaarneqassasut. Ataatsimeeqatigiit isumaqatigiissutigaat, 2020-mut isumaqatigiissut sapinngisamik naammassillugu isumaqatiginninniutigineqassasoq, juunillu 15-iat 2019 qaangernagu isumaqatigiissutigineqassasoq.

Namminersorlutik Oqartussat inissiaataannik attartortittakkanik aquaqalersinnaanermut piareersarneq immikkut sammisatut isikkoqassaaq, taannalu immikkut ittumik siunnerfilerlugu suliarineqassaaq.

2020-mut ataatsimoortumik tapiissutissat pillugit isumaqatiginninniarni utertitsissutaasartunik aaqqissuussinerit allanngortinneqarnissaannut tunngasunik qulaajaanissamik immikkut sammisaqarfiussapput. Tamatumani anguniarneqarpoq kommunit Namminersorlutillu Oqartussat allaffissornikkut aningaasartuuteqarnissaannik oqilisaassinisaaq.

Ulloq unnuarlu najugaqarfiit (tamakkiisumik ilaannakortumilluunniit) aquatarilersinnaaneriniq aammalu kommunit nammineernerulernissaannut tunngatillugu pilersitsinissamat suliareqqaagassat pillugit apeqqtut aammalu pisariaqanngikkaluamik inatsisiliortoqartarnersoq pillugu qulaajaanisaaq ataatsimeeqatigiit akornanni ataavartumik eqqartueqatigiittarnikkut erseqqissatigineqarumaarpoq. Assigisanik siusinaartumik pensionisiaqarneq pillugu nutarterinerup nalilersuiffigineqarnissaa allami taaneqartoq eqqarsaatigalugu 2020-mut ataatsimoortumik tapiissuteqarnissamat

isumaqatigiissummut pingaaruteqalersinnaavoq. Politikikkut Ataqaatigiissaarisartoqatigiit suliap tamassuma ingerlanera pillugu ilisimatinneqartassaaq.

2019-imut kommuninut ataatsimoortumik tapiissutit

Kommuninut ataatsimoortumik tapiissutissat, 2019-imut aningaasanut inatsisissatut siunnersuummi allassimaneratut 1.490.472.000 koruuninik amerlassuseqassapput. Ilanngussaq 1-imi takuneqarsinnaavoq isumaqatigiissut aqutugalugu ataatsimoortumik tapiissutit 2018-imut sanilliullugu qanoq allanngortinneqarsimanersut. Isumaqaatigiissummi immikkuualuttortat ataani nassuiaatigineqarput.

1. Ataatsimoortumik tapiissutinik annikillisitsineq

Inuiaqatigiit katitigaanerisa nikeriarnerat utoqqaat amerlineri inuusunnerusullu ikiliartornerinik katitigaasut, ukiumit ukiumut pisortat aningaasaqarneranni oqimaqaatigiissitsinissaq sakkortusisamik unamminarnerulersarpoq. Tamanna pissutigalugu Namminersorlutik Oqartussat kommunillu annertunerusumik naammassisaqarsinnaanerup suliassanillu pilertomerusumik suliqaarsinnaanerup siuarsarnissaanut pisariaqartunik suliniuteqartoqartariaqarput. Tassunga atatillugu Namminersorlutik Oqartussat aningaasaliissutit tamarmiusut 25 mio. koruunit ikilisinissaat ilanngunneqarpoq. Namminersorlutik Oqartussat kommuninut tapiissutaasa pingaaruteqarnerat eqqarsaatigalugu, taakkunanga 10 mio koruunit ataatsimoortumik tapiissutinut ilanngunneqarput. Tamanna 2018-imut aningaasanut inatsisissamut isumaqatigiissummut toqqaannartumik ilassutigineqarpoq, tassanilu aalajangersarneqarpoq, Namminersorlutik Oqartussani kommuninilu naammassisaqarsinnaanerup nikeriartinneqarnissaanut sapinngisamik assigiimmik piumasaaqatitaqartariaqartut. Tamanna atuutissaaq, qanorluunniit Namminersorlutik Oqartussat namminneq aningaasartuutigippassuk imaluunniit kommunit aqunneqarnissaannut aningaasanut inatsit aqutugalugu aningaasartuutaassappata, allatut oqaatigalugu kommuninut ataatsimoortumik tapiissutit aningaasaliissutigineqarput.

Naalakkersuisut AIS2019-imikommuninut ataatsimoortumik tapiissutissani killiliussanik ileqqaaruteqarnissaq ilanngunneqarsimammat Kommunit akueriuminaatsippaat, suliap ingerlanerani siusissukkat kommunit peqataateqqaarnagit. Tassunga atatillugu Namminersorlutik Oqartussat ingerlataqarfii annertuut ilaat, peqqinnissaqarfik, taamatut ileqqaarfigineqanngimmat kommunit eqqarsarnartoqartippaat; akerlianilli kommunit ingerlataqarfii annertuut, atuarfeqarneq isumagininnermullu tunngasut ileqqaarfigineqaratik.

2. 2017-imut ineqarnermut tapiissutit iluarsivigineqarneri

Ineqarnermut tapiissutinut aningaasartuutit 2017-imi missingersuusiarineqarnerinit ikinnerulaarput. Ataatsimeeqatigiit isumaqatigiissutigaat 2019-imi kommuninut ataatsimoortumik tapiissutissat 4.680.000 kr.-nik ikilisinneqassasut, tassa naatsorsuutigisamut sanilliullugu 2017-imi atuisimanermut akiliutit.

2.1. 2019-mut ineqarnermut tapiissutinut iluarsiiissutit

Ineqarnermut tapiissutitut aningaasartuutit qaffasissusaat pillugu nutaamik naatsorsuinerup kingunerisaanik 2019-imiit tamanut tapiissutit ukiumut 5.000.000 koruuninik ikilisinneqarput. Iluarsiisarnermut aaqqiissut nalinginnaasoq sunnerneqassanngilaq taamaattumillu kommuninut ilanngaait ilanngaatigereerlugit sunniutai nul-imiissapput.

3. 2017-imi siusinaartumik soraarnerussutisiat iluarsiivigineqarneri

2017-imi siusinaartumik soraarnerussutisianut aningaasartuutigineqartut naatsorsuutigisamit appasinnerungaatsiarsimapput. Tamanna tunngavigalugu ataatsimeeqatigiit isumaqatigiissutigaa 2019-imi kommuninut ataatsimoortumik tapiissutissat 9.146.000 kr.-nik ikilisinneqassasut.

4. Danmarkimi Kalaallilu Nunaanni inissinernut qitiusumik aningaasaliissutit

2011-mi Innarluutilinnut susassaqrifiup kommuninut tunniunneqarneranut atatillugu isumaqatigiissutigineqarpoq innarluutillit Danmarkimi immikkut ittumik akisuupilussuarmik inissinneqarneranni kommuninut aningaasatigut tapersiissutissat qitiusutut siunertamut aningaasassat aningaasanut inatsimmit immikkoortinneqartassasut. Tamatuma kingorna aningaasaliissutit nunatsinni inissiisarnernut aamma atorsinnaasunngortinneqarput. Aningaasat immikkoortitat aningaasanut inatsimmi Danmarkimi Kalaallit Nunaannilu inissinernut qitiusumik immikkoortitat pillugit konto pingaarnerup 30.13.07-ip ataani inissinneqarput.

Siunertamut aningaasat immikkoortinneqartut ataatsimoortumik tapiissutit ikilisinneqarnerisigut aningaasalersorneqassapput.

Aningaasat 9 mio. koruunit aningaasanut inatsimmi Danmarkimi Kalaallit Nunaannilu inissinernut qitiusumik immikkoortitat pillugit konto pingaarnerup 30.13.07-ip ataani 2017-imi immikkoortinneqarput. Taamaattoq aningaasanit immikkoortitanit 7.627.000 koruunit 2017-imi atorineqarsimapput, taamaammat 2019-imi ataatsimoortumik tapiissutissat 1.373.000 kr.-nik amerlineqarput, 2017-imi atuinikinnerussutigisimasanut naapertuuttumik.

5. 2012-imi akileraarusersuineramik allannguinerup atuutsilerneru

Inatsisartut 2012-imi ukiakkut ataatsimiinnerminni akileraartarnikkut allannguisoqarnissaa akuersissutigaa. Akileraarusersuisarnermik allannguinerit ilaatigut sinneqartoorutitut ingerlaannartumillu nalikilliliisarnernut malittarisassanut tunngasuupput, tassani aningaasatigut kingunerisassat ukiut arlallit 2035-p tungaanut atulersikkiartuaarneqassapput.

Ataatsimut tapiissutit tamanna tunngavigalugu 2022-mit 1.077.000 koruuninik qaffanniarlugit ataatsimeeqatigiit isumaqatigiipput.

6. Pinngitsoorani soraarnerussutisiainik aaqqissuusaqarneq

Inatsisartut 2016-imi ukiakkut ataatsimiinneranni immikkoortoq 19 Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat akuersissutigineqarpoq. Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaata kingunerisaanik, Kalaallit Nunaanni soraarnerussutisiaqarnissamut aaqqissuussinermut

akiliuteqarnerulernerit kingunerannik akileraarutitigut iluanaarutissaraluit kommunit annaassavaat. Tamatuma saniatigut Inatsisartut inatsisaata akuersissutigineqarnerata kinguneranik kalaallit aningaaserivii soraarnerussutisiallit pillugit neqeroortitsissuteqarput, taamaattoqarneranilu Kalaallit Nunaanni soraarnerussutisiaqarnissamut aaqqissuussinermut akiliisarnerit amerlissapput, taamaammat kommunit akileraarutitigut iluanaarutissaraluit ikinnerullutik.

Ataatsimeeqatigiit tamanna tunngavigalugu ataatsimoortumik tapiissutit 2022-mi soraarnerussutisiaqarnissamut aaqqissuussinermut pinngitsoorani ilaanissap atulersinniarnanum ataatillugu 10.525.000 koruuninik amerlineqassasut isumaqatigiissutigivaat. Soraarnerussutisiaqarnissamut aaqqissuussinermut pinngitsoorani ilaaffiusussap atuutilersinnera 2024-p tungaanut ingerlassaaq.

Ataatsimoortumik tapiissuteqartarnermut periuseq atuuttoq naapertorlugu kommunit akornanni siusinnerusukkut atorneqartoq assigalugu 2019-imi aningaasat agguanneqassasut isumaqatigiissutigivaat. Tamatuma saniatigut soraarnerussutisiaqarnissamut aaqqissuussinermut pinngitsoorani ilaanissap atulersinniarnera ilutigalugu, kommuninut ataasiakkaanut aningaasaqarnikkut kinguneqarnera tunngavigalugu kommunit annaasaqartarnerat taarserneqartassasooq ataatsimiittuni isumaqatigiissutigineqarpoq. Pissutsit tamakku Inatsisartut inatsisaata kingunerisaanik kommunit akileraarutitigut iluanaarutissaraluaatut annaasaannik ataatsimoortumik tapiissutit annertussusaatigut qaffanneqarnissaannut atuupput.

7. Juli 2021-mi siusinaartumik soraarnerussutisianik 100 procentimik aningaasalersuisarnissamut ikaarsaariarneq

Siusinaartumik soraarnerussutisiat pillugit Inatsisartut inatsisaat qulaani taaneqartoq naapertorlugu, siusinaartumik soraarnerussutisianut aningaasartuutit kommunimit 100 %-imik aningaasalersuisoqartalissaaq, ullumikkut Namminersorlutik Oqartussat kommunillu akornanni 50/50 %-imik aningaasalersorneqarpoq.

Ataatsimut tapiissutit tamanna tunngavigalugu 2022-mit 56.675.000 koruuninik qaffanniarlugit ataatsimeeqatigiit isumaqatigiipput. 2019-imut aningaasanut inatsisissatut siunnersuuteqarnermi Siusinaartumik soraarnerussutisiallit pillugit konto pingaarnermut aningaasaliissutit assingusumik ikilineqarnissaat naapertuuttumik amerlineqassapput.

Susasaqarfimmi aningaasaliissutinik amerliliinikkut 2022-miit siusinaartumik soraarnerussutisiat aningaasartuutigineranut taarsiullugu kommuninut ataatsimoortumik tapiissutit 212 mio. koruuniussapput, tassanilu 2020-mi ukiorlu taanna ilanngullugu 98,55 mio. koruuniussapput 2021-milu 155,325 mio. koruuniussallutik.

Siusinaartumik soraarnerussutisiaqarnermut aaqqissuusseqqinnerup naliliiffiginissaanut 2019-ip ingerlanerani inarneqarnissaa siusinnerusukkut isumaqatigiissutigineqarpoq, taamaaliortoqarpammi 2020-mut ataatsimoortumik tapiissutit isumaqatigiissutigineqarfiginnginnerini sapinngisamik naammassineqassammat. Naliliinermi

matumani siusinaartumik soraarnerussutisiaqarnerup sunniutai susassaarfimmut killiikkamut naatsorsuutigisamik sunniutai qanoq innersut ilaatinneqarput, matumani piginnaanngorsaaqqinneq aamma nikerartumik suliffiit ilanngullugit.

8. Nunani allani pensionisianut aaqqissuussanut akiliutigisat akileraarusersorneqarnerat.

Nunani allani soraarnerussutisiaqarnermut aaqqissuussinernut akiliutit akileraarusersornerisa nangittumik atulersinniarnernut atatillugu, ataatsimoortumik tapiissutit 2022-miit 1.211.000 koruuninik amerlineqassapput.

9. Nukissiuutinut akigititanik aaqqissuusseqqinneq

Nukissiorfiit innaallagissamik imermillu pilersuineranut akinik appaaniarnermut atatillugu, ataatsimoortumik tapiissutit 2019-imi 1.976.000 koruuninik ikilineqassapput aamma 2020-miit 988.000 koruuninik ikilineqarlutik

10. Kommunit Sullissivik.gl-imut tapiissutaat

Kommunit ataatimoortumik tapiissuteqartarnikkut Sullissivik.gl-ip ingerlanneqarneranut maannamut ukiumut 2.000.000 koruuniupput. Aningaasaliissutit maanna konto pingaarneq 40.98.01 Digitalimik Sullissinermut Aqutsisoqarfimmut ilanngunneqareerput. Ataatsimoortumik tapiissutit taamaattumik 2.000.000 koruuninik ikilineqassapput. Nuussineq kommuninut ataasiakkaanut aningaasatigut kinguneqartitsinaviannigilaq.

11. Qeqqata Kommuniani nakkutilliisoqartitsineq, Unesco

Ulloq manna tikillugu Kommune Kujallermi aamma Avannaata Kommuniani nakkutilliisoqartitsisoqarpoq. Unesco aqutigalugu inissisimalernikkut Qeqqata Kommuniani assingusumik aaqqiissusiortoqassaaq. Taamaattumik ataatsimoortumik tapiissutit ukiumut 214.000 koruuninik amerlineqassapput.

12. Pissutsit allat

Isumaqatigiissummi matumani ataatsimoortumik tapiissutit amerlassusaat konto pingaarneq 20.05.20 Kommuninut ataatsimoortumik tapiissutini 2019-imut aningaasatigut inatsisissatut siunnersuummi assingusumik aningaasaliissutissat takuneqarsinnaapput.

Inatsisissatut siunnersuutip akuersissutigineqarnerata kingunerisaanik kommuninut aningaasaqarnikkut kinguneqaratarnissaa eqqarsaatigalugu, imaluunniit allannguuteqartoqarneratigut kommuninut aningaasaqarnikkut kinguneqaratarnissaa eqqarsaatigalugu, 2019-imut aningaasanut inatsisissatut siunnersuutip aappasaaneernejarnissaanut pingajussaaneernejarnissaanullu allannguisoqarsinnaasoq ataatsimeeqatigiinnit isumaqatigiisutigineqarpoq. Naatsorsuutigineqarpoq maannakkut sammisat pissutsillu makku pineqassasut:

- MIT-p pilersuineranut immikkoortuani akinik assigiimmik periuseqarnerup suliareratararnissaanut kommuninut sunniutaasinnaasut.

Namminersorlutik Oqartussat kommunillu akornanni ilassutitut isumaqatigiissut manna oqartussaallutik aningaasaliissuteqartusat akuersissuteqarnissaat sillimaffigalugu atsiorneqarpoq.

Nuuk ulloq ____ oktobari 2018

Vittus Qujaukitsoq
Aningaasaqarnermut Naalakkersuisoq

Ane Hansen
Borgmesteri, Kommune Qeqartalik

○ _____
Asii Chemnitz Narup
Borgmesteri
Kommuneqarfik Sermersooq

Kiista P. Isaksen
Borgmesteri, Kommune Kujalleq

Malik Berthelsen
Borgmesteri
Qeqqata Kommunia.....

Palle Jerimiassen
Borgmesteri, Avannaata Kommunia



Ilanggussaq 1. Ukiumut missingersuusiortusumut 2019-imut kommuninut ataatsimoortumik tapiissutissat pillugit isumaqatigiissummi immikkuualuttut

	Isumaqatigiissut	---- mio. kr. ----		
	2019	2020	2021	2022
2018-imut isumaqatigiissut naapertorlugu aallaavigisat	1.521.687	1.531,2	1.595,3	1.595,3
1. Ataatsimoortumik tapiissutinik annikillisitsineq	-10.000	-10,0	-10,0	-10,0
2. Ineqarnermut tapiissutinut iluarsiiissutit	-4.680	0,0	0,0	0,0
2.1. 2019-mut ineqarnermut tapiissutinut iluarsiiissutit	-5.000	-5,0	-5,0	-5,0
3. Siusinaartumik pensionisianut iluarsiiissutit	-9.146	0,0	0,0	0,0
4. Danmarkimi Kalaallillu Nunaanni inissiinernut qitiusumik aningaasaliissutit	1.373	0,0	0,0	0,0
5. 2012-imi akileraarusersuineramik allannguinerup atuutsilernera	0	0,0	0,0	1,1
6. Pinngitsoorani soraarnerussutisianik aaqqissuussaqaarneq	0	0,0	0,0	10,5
7. Juli 2021-imi siusinaartumik soraarnerussutisianik 100 procentimik aningaasalersuisarnissamut ikaarsaariarneq	0	0,0	0,0	56,7
8. Nunani allani pensionisianut aaqqissuussanut akiliutigisat akileraarusersorneqarnerat.	0	0,0	0,0	1,2
9. Nukissiuutinut akigititanik aaqqissuusseqqinneq	-1.976	- 1,0	- 1,0	- 1,0
10. Kommunit Sullissivik.gl-imumt tapiissutaat	-2.000	-2,0	-2,0	-2,0
11. Qeqqata Kommuniani nakkutilliisoqartitsineq, Unesco	214	0,2	0,2	0,2
Kommuninut ataatsimoortumik tapiissutit nutaat	1.490.472	1.513,4	1.577,5	1.647,0